

ВИЛЬЯМ ШЕКСПИР

ТАНЛАНГАН АСАРЛАР

Беш жилдлик

Иккинчи жилд

Тошкент

Фафур Фулом номидаги адабиёт ва санъат нашриёти
1981



ҚИЙИК ҚИЗНИНГ ҚУЙИЛИШИ

ТУРОБ ТҰЛА
таржимаси

ҚАТНАШУВЧИЛАР

Лорд
 Кристофер Слай — мистар
 Қовоқхона бекаси }
 Махрам }
 Актёрлар }
 Егерлар¹ ва хизматчилар } Муқаддима
 қатнашчилари.

Баптиста — падуялик бой, зодагон.
 Винченцио — пизалик кекса зодагон.
 Люченцио — Винченционинг ўғли, Бъянканинг ошиғи.
 Петруччо — вероналик зодагон, Катаринанинг Қаллиғи.

Гремио }
 Гортензио } Бъянканинг ху што рлари

Транио }
 Бъонделло } Люченционинг
 хизматкорлари.

Грумио }
 Кертис } Петруччонинг
 хизматкорлари

Катарина }
 Бъянка } Баптистанинг қизлари

Муаллим
 Бева хотин

Машиначи, аттор, Баптиста ва Петруччонинг хизматкорлари.

Воқеа Падуяда ва Петруччонинг шаҳар чеккасидаги уйда,
 ўтади.

¹ Е г е р ь — ўрмон ва ундаги жонивор ларга қараб юрувчи киши.

МУҚАДДИМА

1-САҲНА

Қовоқхонанинг олди Яланглик.
Қовоқхона бекаси билан Слай киради.

С л а й

Худо ҳаққи, қўлим қичиб турибди!

Б е к а

Елканг эмасмикан қичиган, фирром?!

С л а й

Жуда ҳам сурбетсан! Ким айтади фирром деб сенга Слайларни?! Тарихга назар сол. Биз бу оламга Ричард жаҳонгир билан бирга келганмиз. Ана шунинг учун, гапнинг қисқаси, ҳар ким ўзини билсин, вассалом!

Б е к а

Шундай қилиб, синдирган стаканларингнинг ҳақига фирромлик қилмоқчимисан?

С л а й

Бир пақир ҳам бермайман! Бор, муздаккина ўрнингга кириб ёт, зора исисанг.

Б е к а

Мен ўзим биламан нима қилишимни. Учинчи округга бориб соқчи олиб келаман. (*Кетади.*)

С л а й

Учинчиданми, тўртингиданми, бешинчиданми, олиб келавер, яхшилаб жавобини олади ҳаммаси ҳам. Мен, жонгинам, шу ерда бўламан. Айт, бемалол келиша берсин. (*Ётади ва уйқуга кетади.*)

Бурғу овози. Овдан қайтиб келаётган Лорд егеръ хизматкорлари билан киради.

Л о р д

(егерга)

Тозиларга қара, бўшат тасмаларни,
Изтопар чарчади югуравериб.
Учарни кўпракнинг ёнига боғла!
Кўрдингми, ов қочиб қолган бўлса ҳам
Олапарнинг қандай хезланганини?
Олтинга бермасман бундай зўр итни!

Б и р и н ч и е г е р ь

Лекин Қўнфироқ ҳам чаккимас, жаноб,
Дарров акиллайди адашса издан.
Икки бор из топди бугун, ҳароми,
Ҳамма итингиздан энг асили шу.

Л о р д

Олғирроқ бўлганда Тўрткўз, уларнинг
Бир галасига ҳам алишмас эдим.
Бўлди, итларингга, қара, овқат бер,
Давом эттирамиз овни эртага.

Б и р и н ч и е г е р ь

Хўп бўлади, милорд.

Л о р д

(Слайга кўзи тушиб)

Бу қанақаси?
Уликми ёки маст? Қаранг-чи унга.

Иккинчи егеръ

Нафас оляяпти, ичмаган бўлса
Қотиб ухламасди совуқда шундай.

Л о р д

О, ҳайвон! Чўчқадай ағанабди-я!
Ажал нуқси келар башарасидан.
Ҳазил қилмайликми бу гумроҳга бир?
Етқизсак серҳашам ётоқقا уни,
Оппоқ кийинтириб, узуклар тақсак,
Қўйсак ширин таом тўла дастурхон
Ва бошида турса кутиб хизматкор,
Таний олармикан ўзини гадо?

Биринчи егеръ

Караҳт. Ҳеч нарсани билмайди ҳозир.

Иккинчи егеръ

Ҳа, қизиқ бўлади уйғонганида!

Л о р д

Бир туш деб ўйлайди ёки афсона.
Қани, кўтаринглар, бир кулишайлик,
Энг яхши хонага ётқизинг уни.
Шаҳвоний суратлар осиб ташланг уйга,
Ювиб ташланг хушбўй, илиқ сув билан,
Яхшилаб бу исқирт, сассиқ бошини,
Хушбўй ҳидлар билан тўлдиринг уйни.
Ажойиб, илоҳий музика билан
Роҳат-фароғатда уйғонсин секин.
Ҳамма гапларига шай бўлиб туринг,
Ҳурматин келтиринг бош эгиб шу он.
Сўранг: «Жаноблари не истайдилар», деб
Кумуш обдаста-ю, кумуш жом билан

Сочиқ, муаттар сув келтириб унга,
 Сўранг, ҳурматини келтириб аста:
 «Милорд, сув қуяйин, марҳамат -қилинг».
 Бирингиз бебаҳо либос тутиб туринг,
 Кийинг деб қошида эгилиб сипо.
 Бирингиз гапириб туринг бетўхтов
 Тулпори отлардан, олғир итлардан,
 Унинг бу ғалати бетоблиги сабаб
 Гангиб қолган гўзал маликасидан.
 Үзини танитса, алаҳлама денг,
 Боплаб, айтганимни қилинг, йигитлар,
 Меъёрдан ошириб, сездириб қўйманг,
 Ғалати ҳангама бўлади, бешак.

Биринчи егеръ

Милорд, қотирамиз, ишонаверинг,
 Шундай боллаймизки, у беихтиёр
 Ишонади шаксиз ким десак уни.

Лорд

Авайлаб кўтариинг, билмасин сира,
 Уйғониши билан киришинг ишга.

Сла́йи олиб кетишади. Бурғу янграйди.

Эй, қара, нима гап, ким чаляпти?

Хизматкор чиқади.

Бирон дворянин йўловчи, балки
 Тунаш учун қўноқ излаётгандир.

Хизматкор қайтиб киради.

Хўш, нима? Қим экан?

Хизматкор

Артистлар экан.
 Ижозатингизга илҳақлар, жаноб.

Л о р д

Киришсин!

Артистлар киришади.

Хурсандман, келинг дўстларим.

Артистлар

Жаноб олийлари, ташаккур сизга.

Л о р д

Хоҳишингиз қалай қолмоққа бизда?

А к т ё р

Хизматингизга ҳам тайёрмиз, милорд.

Л о р д

Жуда соз. Айтмоқчи, анов актёрни
Кўргандим фермернинг ўғли ролида.
Леди атрофида гирдикапалак
Бўлдики, нимайди отинг ўшандা?
Лекин ўша ролни боплаган эдинг.

А к т ё р

Сото роли эди, марҳаматли жаноб.

Л о р д

Ҳа, ҳа, жуда боплаб ўйнаган эдинг,
Худди ўз вақтида етиб келдингиз!
Бир ҳазил ўйладим, буни сиз боплайсиз,
Сизнинг санъатингиз асқатиб қолди.
Томоша берасиз бир лорд олдида,
Лекин чидам билан ўйнайсиз жиддий.
Қўрқаман, ғалати қилиқлари унинг
Ногоҳ кулгингишни қистатмаса деб,
Хафа қилмаса деб. Айтиб қўяйин,

Ғазабин қўзгатар ҳар қандай кулгу.
Умрида томоша кўрмаган ўзи.

Актёр

Хотиржам бўлингиз, кулмаймиз, милорд,
Тентаклар тентаги бўлса ҳам у лорд.

Лорд

(Хизматкорига)

Буфетга олиб кир актёрларни, бор,
Яхшилаб меҳмон қил барчасин ҳозир.
Нозу неъматларга тўлдир дастурхонни.

Хизматкор ва актёrlар чиқади.

Тез бор, анов маҳрам Бартоломейга,
Аёллар тусига кириб кийинсин
Ва кейин бошлаб кир унинг олдига.
Унга қуллуқ қилиб, «хоним» деб ата.
Агар менга ёқмоқ истаса маҳрам,
Қилиқ қилсин унга хотини бўлиб,
Мансабдор эрига хушомад қилган
Гўзал ледилардай тутсин ўзини
Ва десин эгилиб мулойим унга:
«Нима истайдилар, азизим милорд?
Ожиза қулингиз бунда ўз бурчин
Ва севгисин адо этишга илҳақ.»
Қаттиқ-қаттиқ ўпсин қўйнига кириб,
Кейинги етти йил ичиде бебахт,
Бенаво бўлганин сўйлаб ниҳоят,
Қўксига бошини қўйиб йиғласин,
Гўёки эрини сиҳат-саломат
Ўз хонадонида кўрганлигидан!
Бордию, хотинча хўнграб йиғлашни
Уддалай олмаса маҳрам, мабодо,
Пиёз ўраб бергин дастрўмолига.

Кўзига сурдими дастўрмолини,
Шовуллаб келади ёш деган нарса.
Үринлат, бор энди, тезроқ ҳаммасини
Ва бу фармойишинг давомини кут.

Хизматкор чиқади.

Бу бола хотинча муомалани,
Ҳатто овозни ҳам боплайди, шаксиз.
Лекин бу таъвия пиянистани —
Қандай айтарикии, жон эргинам, деб.
Ичаги узилса керак малайларнинг,
Хизмат қиласан, деб бу бетайнига.
Қани борайин-чи, тагин бу аблаҳлар
Ҳаддидан ошириб юборишмасин,
Танобини тортиб туришим керак.

(чиқади.)

2-САҲНА

Лорднинг уйи. Етотхона.

Слай киради, атрофида хизматкорлар гирдиқацалак,
бири кўйлак олиб келаётган, бири сув, бири жом олиб кела-
ётган, бири яна бошқа нарсалар... Лорд ҳам шу ерда.

С л а й

Худо ҳаққи, беринг бир коса бўза!

Б и р и н ч и х из м а т к о р

Шароб яхшимасми бўздан, милорд?

Иккинчи хизматкор

Мевага хушлари қалай хўжамнинг?

Учинчи хизматкор

Қайси кўйлакларин кийгилари бор?

С л а й

Менинг отим Кристофер Слай, азбаройи худо,
«хўжа» ҳам эмасман, «жаноб» ҳам. Шароб деган нар-

сани умримда ичган эмасман. Борди-ю, мени сийламоқчи бўлсаларинг, майли, лекин май ҳаммас, мева ҳаммас, сўқим гўштидан келтиринглар. Ундан кейин, қайси кўйлагингни киясан, деганларинг нимаси? Бисотимда биттагина иркит камзулим, бир жуфтгина қирқямоқ пайпорим билан бир пар бошмоғим бор, холос. Ундан ҳам бармоқларим мўралаб юради.

Л о р д

Худо, ўзинг сақла осий бандангни!
 Тавба, шундай лорд-а, шундай бообрӯ,
 Бадавлат, қудратли ва олижаноб
 Бир киши шунақа бўлиб қолса-я?

С л а й

Нима, сиз мени ақлдан оздирмоқчимисиз? Мен ахир, хароба бертониялик, аслан-югурдак, илман-қашлағич, тақдири азалдан айиқчи, ҳозир энди янгиласига — мисгар бўлган кекса Слайнинг ўғли Кристофер Слай эмасманми? Ишонмасангиз, Уинкотдаги Мериан Хеккет деган бўзахона бекасидан сўранг. У билади мени. Агар у мени, ўн тўрт пенсли бўза ичиб қарз бўлмаган, деса, майли, христиан оламидаги энг ёлғончи аплаҳларнинг аплаҳи экан, деб билинг мени. Ахир жуда ҳам эсимни еб қўйганим йўқ, шекилли...

У ч и н ч и ҳ и з м а т к о р

Ана шунинг учун қайфуда бекам.

И к к и н ч и ҳ и з м а т к о р

Шунинг учун хафа малайларингиз.

Л о р д

Ана шунинг учун уруугларингиз
 Тўс-тўс бўлиб кетди аҳволингиздан.

О, қимматли лорд, ўйла, ким әдинг,
 Эсингга ол авлод-аждодларингни.
 Қайтар аҳволингни, асл зотингни,
 Ўйғон номуносиб, нобоп уйқудан.
 Қара, малайларинг гирдикапалак,
 Битта ишорангга интизор улар.
 Музика керакми? Ана Аполлон.

(Музика.)

Булбуллар чақчақи қафасларингда,
 Ухламоқчимисан? Жойнинг солиглиқ.
 Юмшоқ, пардек юмшоқ, жуда роҳатбахш,
 Ажойиб ётоғинг кутади сени.
 Ўйнамоқчи бўлсанг, пойингда гуллар,
 Отларинг йўлакда — сайд этмоқ эсанг,
 Ярақлаб турибди кумуш жиловлар.
 Фоят севар әдинг лочин овини,
 Тўрғайдан ҳам баланд учар лочининг.
 Ё йиртқич ҳайвонлар ови яхшими?
 Оламии бузади овчи итларинг,
 Остин-устун қиласар еру осмонни.

Биринчи хизматкор

Буюринг, қўямиз тозиларни овга,
 Бугудан ҳам илдам чопади улар.

Иккинчи хизматкор

Буюринг, суратлар олиб келамиз,
 Булоқ бошидаги Адонисними
 Ёки чакалакда назокат билан,
 Ажойиб ҳирс билан, ҳиссиёт билан
 Пинҳон боқиб турган Цитеренни?

Л о р д

Кўрасан, Юпитер гўзал Иони
 Faflat қучогида тутиб олганин,
 Қандай бўлган бўлса шундай чизилган.

Учинчи хизматкор

Ёки тиканзорда оёқлари қонаб,
 Азоб чекиб ётган Дафнага қаранг.
 Аполлон кузатар уни кўзда ёш,
 Суратмас, мисоли ҳақиқатан ҳам
 Жонланар қаршингда қон билан кўз ёши

Л о р д

Сен лордсан, бошқамас, англагин ахир!
 Хотинингга қара, нақадар гўзал,
 Бу оламда бундан чиройлиги йўқ.

Биринчи хизматкор

Бечора, сизни деб, ҳуснини бузиб,
 Кўз ёшини дарё қилмасдан олдин
 Оламда тенги йўқ эди бекамнинг,
 Ҳозир ҳам қолишмас ҳар қандайидан.

С л а й

Мен лордман? Тенги йўқ хотиним ҳам бор?
 Тушимми, ўнгимми?.. Уйқудамидим?
 Йўқ-э, кўраяпман, эшитаяпман.
 Юмшоқ нимарсалар, хушбўй таомлар.
 Худо ҳаққи, мисгар Слаймасман шекил,
 Дарвоқе, ҳақиқий лордга ўхшайман.
 Қани, келтиринг-чи хотингинамни,
 Бир коса бўза ҳам. Келтиринг тезроқ!

Иккинчи хизматкор

Балки қўл юварсиз, жаноб олийлари?
Хушингизга келиб кимлигингизни
Эслаганингиздан ғоят хурсандмиз.
Қаттиқ ухладингиз ўн беш йил, ҳатто
Ўйқуда эдингиз уйғонганда ҳам.

С л а й

Ўн беш йил? Ё тавба, маза қибмиз-да!
Ҳатто бир оғиз ҳам гапирмадимми?

Биринчи хизматкор

Гапирдингиз, аммо жуда аломат:
Ҳайдамоқдалар,— деб қаттиқ бўкирдингиз
Шундай хонангизни бошга кўтариб.—
Алладинг, косани тўлдирмадинг,— деб,
Бўзачи бекани роса сўқдингиз.—
Судга тортаман,— деб қилдингиз зуфум.
Ҳадеб чақирдингиз Хеккет дегани.

С л а й

Ҳа, ҳа! Сайсли Хеккет... Ўшанинг қизи.

Учинчи хизматкор

Уларни билмайсиз, бекасини ҳам,
Қизини ҳам, кимни деган бўлсангиз.
Стивен Слайнни, кекса Джонни ҳам,
Питер Терфни, Генри Пимпернелни ҳам.
Буларнинг исмимас, ҳатто, билсангиз,
Ўзлари ҳам йўқдир ёруғ оламда.

С л а й

Эй тангриим, сенга минг карра шукурлар бўлсинким,
бу осий қулингни яна ўз ҳолига қайтарибсан.

Ҳ а м м а

Омин!

С л а й

Раҳмат, аммо ютқизганинг йўқ,

Хотинча кийинган маҳрам киради. Атрофида малайи.

М а ҳ р а м

Аҳволлари нечук милордимнинг бугун?

С л а й

Аҳволим жойида. Овқатлар сероб,
Хотиним қани?

М а ҳ р а м

Мана мен, милорд. Не буюрасиз?

С л а й

Сизмисиз? Нимага эрим демайсиз?
Лордман малайларга, сизга эса-эр.

М а ҳ р а м

Ҳам эрим, ҳам лордсиз менга, азизим,
Мен эса ожиза хотинингизман.

С л а й

Хўп яхши! Нима деб атайман?

Л о р д

Хоним.

С л а й

Элс хоним ва ёки Джен хоним дебми?

Л о р д

«Хоним», дейишади зодагонлар фақат.

С л а й

Хотин — хоним демак. Қаттиқ ухлабман,
Үн беш йил ухлабман давлатингизда.

М а ҳ р а м

Менга бир умрдек кўриниб кетди,
Эр-хотинликни ҳам унутаёздим.

С л а й

Бечора! Малайлар, қани чиқинглар!
Тезроқ каравотга, ечининг, хоним!

М а ҳ р а м

Марҳаматли лордим, сабр қилинг жиндак,
Менга яқинлашманг бир-икки кеча,
Кун ботгунга қадар, жилла бўлмаса.
Ҳакимлар дедики, сизга яқинлашса,
Қасалин қайталаш эҳтимоли бор.
Бу касал эр-хотин муносабатига
Алоқаси бормиш, шудир сабаби.

С л а й

Шундайку-я, аммо сабр-тоқатнинг ҳам чегараси
бўлади-ку, ахир. Бироқ, бу қасалнинг қайталашига ҳам
майлим йўқ, албатта. Нима ҳам қилиб бўлади, майли,
қаттиқ соғинган бўлсак ҳам начора, кутсак кутамиз-да

Х из м а т к о р киради.**Х из м а т к о р**

Хабар топиб тузук бўлганингиздан,
Қўнглингизни ёзмоқчи актёrlарингиз.
Қизиқ томошамиз бор, дейишади,
Фойдали, деялти табибингиз ҳам.
Қаттиқ озор берган сизга маъюслик,

Маъюслик касални қайталар эмиш.
 Кўришингиз керак албатта, милорд,
 Кулги, шодлик тўла бу томошани.
 Дарду фуссалардан аритади у,
 Кулги узоқ қиллар умрни, бу ҳақ.

С л а й

Ҳа, майли, ўйнай қолишсин. Бу ўзи қанақаси, қизиқ-
 чиларми ё масхарабозларми?

М а ҳ р а м

Иўқ, жуда ғалати томоша, милорд.

С л а й

Хонаки гаплардан биронтасими?

М а ҳ р а м

Иўқ, янги ўйинга ўхшайди, милорд.

С л а й

Ҳа майли кўрамиз. Қани хотинжоним, яқинроқ ўтири.
 Бўлар иш бўлди, дунёга бир марта келамиз,

I ПАРДА

1-САҲНА

Падуя. Саҳна.

Люченцио билан Транио киради.

Люченцио

Маърифат макони, гўзал Падуяни
 Кўрмоқ умидларим ушалди, мана,
 Ломбардия — улуг Италияning
 Жаннат маконига келдим ниҳоят.
 Содиқ Транио, синалган дўстим,
 Минг раҳмат падари бузрукворимга,
 Унинг марҳамати туфайли сендек
 Садоқатли дўстга улфат бўлолдим.
 Яшаймиз биз ҳали яхши соатда,
 Илмий ишларга ҳам тушамиз секин.
 Пизада туғилдим. Бу шаҳар машҳур
 Асл кишилари билан қадимдан.
 Менинг отам эди уларнинг бири:
 Бентиволиолик машҳур Винченцио,
 Бутун ер юзида савдо қилади.
 Тарбия кўрдим мен Флоренцияда.
 Унинг ишончини саховат билан,
 Эзгу инят билан оқлашим керак.
 Мана нима учун мен, Транио,
 Фалсафа илмини танладим. Чунки,
 Эзгу, саховатли кишилар баҳти
 Фақат шунда эмиш, дейдилар зотан.
 Хўш, мен-чи? Мен ахир Пизани ташлаб,
 Саёзликдан гўё теранликка шошган,

Юраги ўт олган чанқоқ кишидек
Уни босай, дея шошдим бу томон.

Т р а н и о

Кечириңгиз мени, содиқ қулингизни!
Хурсандман мүъжиза-фалсафа фани
Тортганидан астойдил эътиборингизни.
Аммо лекин хўжам, бу ноёб фанга
Муккангиздан кетиб, аллақандай фафлат —
«Изм»ларга емиш бўлмоқ не ҳожат?!

Фақат Аристотелларга илтифот,
Ноилтифот бўлмоқ Овидийларга —
Менинг назаримда, ноўрин, синьор,
Мантиқ фанида ҳам бир оз машқ қилинг,
Дўстлашинг устомон нотиқлар билан.
Санъат, шеъриятга беринг ихтиёр,
Математика ва метафизиканинг
Миқдоридан сизга, ростини айтсам,
Фақат бир ютуми бўлур кифоя.
Ҳузур холи ерда фойда ҳам холи,
Ўрганинг кўнглиңгиз тусаганини.

Л ю ч е н ц и о

Раҳмат, Транио! Маслаҳатинг соз,
Агар бўлганида қоқвош Бъонделло,
Саранжом топардик аллақачоноқ.
Үй ҳам топиларди шинам, падуялик
Янги дўстлар билан улфатчиликка,
Шошма! Бизга қараб келаётган ким?

Т р а н и о

Балки чиқишгандир қарши олишга.

Баптиста, Катарина, Бъянка, Грэмис ва
Гортензио киришади.
Люченцио билан Транио ўзларини четга олишади.

Баптиста

Қийнаманг, синъорлар, мени, сўрайман,
 Битта гапираман, биласиз буни.
 Каттасига куёв топилмас экан,
 Кичигига йўл йўқ, тамом, вассалом.
 Бошқа гап бўларди, агар биттанғиз
 Сўраганингизда Катаринани.
 Унда ҳеч қанақа сўз бўлмасиди,
 Сизни диққат қилиб ўтирмасидим,
 Иш битган бўларди муроса билан.

Гремио

(четга)

Шайтон ҳам муроса қилолмас ҳатто!
 Оласизми, тегса, сиз — Гортензио?

Катарина

Нима учун мени култу қиласиз
 Қаёқдаги бир жуфт аҳмоқ олдида.

Гортензио

Жуфт эмиш, жуфтингиз бўла олмаймиз,
 Тушмагунингизча ҳовурдан озроқ.

Катарина

Кўп қўрқмасангиз ҳам бўлади, синъор,
 Кўнгил овланмайди бундай йўл билан.
 Жўнаб қолмасангиз агар шу топда,
 Манов курси билан, масҳарабоздай
 Оғзи-бурнингизни бўяб қўяман.

Гортензио

Тангри, ўзинг асра бундай балодан!

Гремио

Мени ҳам, ё раббий!

Т р а н и о

Синьор, унга қаранг, мисоли оғат,
Худди ялмогиз-а, тавба, касофат!

Л ю ч е н ц и о

Аммо ановиси бунинг олдидা
Маъсум кўринади кўзимга жуда.
Жим бўл, Транио.

Т р а н и о

Хўп.
Яхши синьор.
Лекин ҳушёр бўлиб туринг ўзингиз!

Б а п т и с т а

Қарорим ана шу, қани, Бьянка,
Бора қол, қизгинам, энди бу ердан
Уйга кир. Ва лекин сен хафа бўлма,
Кенжамсан, эркамсан ҳамиша ўзинг.

Қ а т а р и на

Эркатой, кенжатой, ҳа бўлмаса-чи!
Эркатой кўзларим доим шалаббо.

Б ы я н к а

Кулинг пешонамдан, опажон, майли,
Отажон, розиман, сизнингча бўлсин,
Майлига, дўстларим суҳбати энди
Алмашсин китобу музика билан.

Л ю ч е н ц и о

Эшитяпсизми? Минерва¹ гўё!

¹ Минерва — қадим юонларнинг Паллада деган авлиё. лари сингари бу ҳам қадим римликларнинг донишмандлик худоси аталган.

Гортензио

Наҳот шундай жабр қиласиз, синьор?
 Эсиз, бечоранинг бошига шунча
 Фам солди севгимиз...

Гремио

Синьор Баптиста,
 Наҳот Бъянкажон қафасга тушса,
 Заҳар опасининг касофати деб?..

Баптиста

Бўлди, бас, синьорлар, қарорим қатъий,
 Бора қол, Бъянка.

Бъянка кетади.

У муэзикани,
 Шеърни бағоят яхши кўради,
 Муаллим оламан агар топилса.
 Таълим яхши нарса. Азиз синьорлар,
 Мабодо билсангиз шундай муаллимни,
 Илтимос қиласман, бунда юборинг,
 Бундай кишиларга эшигим очиқ,
 Пул ҳам аямайман улардан асло.
 Хайр, хўш, бунда қол сен Қатарина,
 Бъянкада менинг яна гапим бор.

(Кетади.)

Қатарина

Нима, кетиш менга ман этилганми?
 Буйруғи нимаси! Билмайманми ўзим
 Нима қилиш ёки қилмаслигимни?!

(Кетади.)

Гремио

Бор, бор, ўша холангникига, бор! Сен шундай ҳури-
 лиқосанки, бу ерда ҳеч кимга керагинг ҳам йўқ. Фаҳ-

мимча, Гортензио, ота билан катта қизининг ораси яхшимасга ўхшаб қолди. Сиз билан биз бу олма қачон, қайси томонидан қизаараркин деб сўлагимиз оқиб ўтирадиган кўринамиз. Хўш, энди. Лекин азиз ва муҳтарам Бъянкага бўлган муҳаббатим ҳаққи, агар муносиб муаллим тополсам, уни албатта, синъор Баптистага тавсия этаман, нимани хоҳласа, шуни ўқитсан.

Гортензио

Мен ҳам худди шундай қиласман, синъор Гремио. Лекин қулоғингизга бир гапим бор. Гарчанд орамиздаги можаролар бизнинг очиқроқ гаплашувимизга имкон бермаган бўлса-да, қулоқ солинг, ҳозирги айтадиган гаплариминг ҳаммаси икковимизга алоқадор. Агар шу ишин уddyалай олсак, гўзал маликамиз ҳузурига яна йўл очилади ва Бъянка ошиқлари ўша ишқий можароларни келган жойидан тағин давом эттирадилар.

Гремио

Қандай ишни уddyалай олсак?

Гортензио

Гапнинг пўскалласи, сударь, опасига эр топиш керак.

Гремио

Эр? Эрмас, қора ер керак унга!

Гортензио

Эр керак унга!

Гремио

Йўқ, ер! Наҳотки, Гортензио, бу жаҳаннамий алвастига, отасининг бутун мулкини ўртага қўйганда ҳам, уйланадиган одам топилса?

Гортензио

Бас, Гремио! Унинг ҳангомаларига сиз билан биз тоқат қилолмасақ ҳам, ҳеч қанақа борди-қелдисига

қарамасдан, мол-дунёси учун таваккал, дейдиган азатлар топилади. Фақат шунақасини тополсак бас.

Гремио

Умидим йўқ. Мени лаънат дори остига боғлаб қўйиб, ҳар куни дўппослаганларида ҳам барibir, фақат сепинигина олишга рози бўлардим.

Гортензио

Э, ҳаммаси ҳам бир гўр буларнинг. Модомики, бу дардисар бизни вақтинча дўстлаштирган экан, Баптистанинг катта қизини эрга бериб, кичигини қутқармагунимизча, бу дўстликни бузмайлик. Рақобатни кейин давом эттираверамиз. Оҳ, Бъянкажон! Қайси пешонаси ярқираганники экансан? Ким эпчил бўлса шу илиб кетади сени. Нима дедингиз, синьор Гремио?

Гремио

Бўпти, розиман. Кимда ким унга уйланаман деса, уйланса, бир ёстиққа бирга бош қўйса ва шу хонадонни ундан халос этса, Падуя отларининг энг яхшисини совфа қилардим унга. Кетдик.

Гремио ва Гортензио кетадилар.

Транно

Наҳотки муҳаббат, синьор, бошингизни
Айлантириб қўйган бўлса дафъатай?

Люченцио

Транно, шундай бўлмаганида,
Мен ҳам иҳонмаган бўлардим бунга.
Лоқайд унга қараб туар эканман,
Лоқайд бу ҳолатдан туғилди севги.
Эътироф этаман сенга рўйирост,
Сен меўга азизсан, азиз бўлганидай
Анна Карфагеннинг маликасига.

Эътироф этаман сенга шунинг учун,
 Агар бу иффатли қизга етмасам,
 Алам азобида бўламан ҳалок.
 Дўстим, маслаҳат бер, қодирсан бунга,
 Қодирсан, Транио, ёрдам бер менга.

Т р а н и о

Койир эдим, сударь, лекин вақтимас,
 Кетмас койиганинг билан муҳаббат.
 Ҳамонки муҳаббат... Энди битта чора,
 Амаллаб осонроқ эришмоқ керак.

Л ю ч е н ц и о

Раҳмат, азиз дўстим, давом эт, сен ҳақ,
 Далда бер, қимматдир маслаҳатларинг.

Т р а н и о

Қизга шундай қаттиқ тикилдингизки,
 Нима ўтганин ҳам билмай қолдингиз.

Л ю ч е н ц и о

Ҳа, тўғри, жамоли этди маҳлиё,
 Юпитер тиз чўкиб Крит бўйида
 Агенор қизининг қўлин ўпганда
 Намоён бўлганди шундай латофат.

Т р а н и о

Е тавба! Опаси кўтарган жанжал,
 Шовқин-суронларни кўрмадингизми?
 Ағдар-тўнтар қилиб юборди-ку у!

Л ю ч е н ц и о

Латиф дудоқларнинг қимирилаганин
 Кўрдим. Атир бўйин уфурадилар,
 Гўзал, жозибадор эдилар булар.

Т р а н и о

Хушига келтирмоқ керак болани!..
 Эсингизни йиғинг, севибсиз, демак,
 Қўлга олиш керак уни. Бунинг учун
 Мияни ишлатмоқ лозим, азизим.
 Опаси ўлгудай ўжар қиз экан.
 Отаси эр топиб гумдан қилмагунча,
 Бизнинг маликамиз қафасда, сударь.
 Безор қилмасин деб ошиқлар уни,
 Устидан қулфлаб қўймиш отаси.

Л ю ч е н ц и о

Оҳ, дўстим, бағритош экан отаси:
 Ҳали аҳамият бердингми, унинг
 Муаллимлар керак деган сўзига?

Т р а н и о

Бўлмасам-чи! Бир гап ўйлаб ҳам қўйдим.

Л ю ч е н ц и о

Мен ҳам!

Т р а н и о

Ўйлайманки, азизим сударь,
 Гапимиз бир ердан чиқади, бешак.

Л ю ч е н ц и о

Тез гапир аввал сен!..

Т р а н и о

Унинг уйига
 Муаллим мисоли кириб борсангиз
 Ва турли фанлардан дарс берсангиз...
 Мана хаёлингиз!

Л ю ч е н ц и о

Тўғри. Бошлаймиз!

Т р а н и о

Тұғримас. Ү ҳолда ким яшар, сударь,
Үғли бўлиб бунда Винченционинг?
Ким бунда ўқийди ва ким оқшомлар
Улфатчилик қилас дўстлари билан?

Л ю ч е н ц и о

Бас, бўлди, мен қатъий фикрга келдим,
Бу ерда ҳеч қандай танишимиз йўқ,
Бизни ким билади башарамиздан,
Қайсимиз хизматкор, қайсимиз хўжа?
Шундайми? Ҳозирдан сен хўжа, тамом!
Уй ҳамда чўрилар ихтиёрингда,
Мен эса пизалик бирон камбағал,
Еки неаполлик бўлиб оламан.
Хўш, битди маслаҳат, ечин, Транио,
Мана кий, плаш ва шляпани ол.
Келиши биланоқ Бъеонделлога —
Айтамиз, бўлади хизматингда шай.

Т р а н и о

Бу иш ҳам чаккимас баъзи-баъзида.

К и й и м алмашинади.

Майли, маъқул бўлса агар шу сизга,
Итоат этмоқлик бурчимдир, синьор.
Отангиз отланиш олдида менга
«Яхшилаб хизмат қил», деганди, сизга.
Бу ишни тутмаган бўлса ҳам кўзда,
Люченцио бўламан мен бажонидил,
Севганим туфайли Люченциони!

Л ю ч е н ц и о

Люченционинг ҳам севгани учун!
Қул бўлай, майлига, стишай аммо

Үйимни банд этган у маҳлиқога.
Ана у догоули!

Бъондэлло киради.

Қайга йўқолдинг?

Бъондэлло

Қайга йўқолардим? Тавба, бунисига нима берасан?
Ўзлари қайга йўқолдилар? Хўжайин, менинг дўстим
Транио усти бошингизни ўғирладими? Ёки сиз уникини
ўғирладингизми? Ё бўлмасам, бирор-бировларингизни-
кини ўғирладингизми? Худо ҳаққи, айтинглар, нима
ҳодиса рўй берди ўзи?

Люченцио

Ишёқмас, бери кел, ҳазил вақтимас,
Жиддий ҳол юз берди, ўзингни ушла.
Қутқарай, деб мени шундай, Транио
Уст-бошимни кийиб тусимга кирди,
Уникини мен кийдим. Гап бундай, тингла:
Муштлашиб анави дарё бўйнда
Бировни тўсатдан ўлдириб қўйдим,
Тушмасам қўлга деб ваҳимадаман.
Хизмат қил, мен эса қочишим керак.
Тушундингми?

Бъондэлло

Асло, рост, худо ҳаққи!

Люченцио

Сен энди унутгин Траниони,
Транио йўқ энди, у Люченцио!

Бъондэлло

Мазани у қипти, қани менга ҳам...

Т р а н и о

Шошма эй, бефаҳм, ўзим учунмас,
 Синьор Баптистанинг кенжা қизига
 Эришмоғи учун Люченционинг
 Ўйлаган тадбири бу. Маслаҳатим шу:
 Менга-ку, сатқаисар, фақат синьор учун
 Тилингга ҳазир бўл.
 Ўз ичимиизда —
 Мен ўша оғайнинг Траниоман.
 Бошқалар олдида — хўжанг Люченцио!

Л ю ч е н ц и о

Қани, Транио, кетдик бўлмасам,
 Энди қолди ёлғиз битта масала:
 Ошиқлар сафига ўтиб олишинг,
 Нега, деб сўрарсан, муҳим сабаб бор,
 Сенга айтиб берай, яхши уқиб ол.

(Кетишади.)

Б и р и н ч и х из м а т к о р

Милорд ухлаб қолди, кўрмай пъесани.

С л а й

Иўқ, мўътабар Анна номига қасамёд бўлсинки,
 кўряпман, худо ҳаққи алламбало нарса экан! Нима,
 ҳали тағин борми?

М а ҳ р а м

Эндигина бошланди, милорд.

С л а й

Ажойиб воқеа экан, хоним рафиқам, тезроқ тугай
 қолса яхши бўларди,

2-САҲНА

Падуя, Гортензио уйи олди. П е т р у ч ч о билан
Г р у м и о киришади.

П е т р у ч ч о

Веронадан чиқдим қисқа муддатга,
Падуялик дўстларимни, хусусан,
Қадрдоним Гортензиони кўрай деб.
Шу эмасми энди унинг эшиги?
Эй Грумии, қани, муштла-чи!

Г р у м и о

Муштла? Кимни, синъор? Қим хафа қилди
Сизними, марҳаматли синъор?

П е т р у ч ч о

Мен сенга нима деялман, аҳмоқ, бўл, қаттиқроқ
муштла!

Г р у м и о

Қаттиқроқ дейсизми, синъор? Э, қўйсангиз-чи, синъор,
мен ким бўлманки, сизни урсам, синъор?

П е т р у ч ч о

Эшикни муштлагин, эшикни, аблаҳ,
Бўлмаса каллангга тушираман нақ.

Г р у м и о

(четга)

Осилиб олди-ку!

(Қаттиқ.)

Олдин мен урсам,
Бошимни балога қўярсиз, хўжам.

Петруччо

Муштламайсанми, а, муғамбир, суллоҳ?
 Ургатиб қўяман ҳозир буни мен,
 Қандайин ўйноқлаб қоларкансан сен.

(Грумийонинг қулогини чўзади.)

Грумийо

Войдод, ёрдам беринглар! Хўжайнинимни жин урди!

Петруччо

Эшикни муштлагин дедим, муштла тез!

Гортензио киради.

Гортензио

Нима гап? Ие! Грумийо! Азиз дўстим, Петруччо! Омон бормисизлар Веронада?

Петруччо

Ажратмоқ учунми келдингиз, дўстим?
 Рост, келиб қолдингиз худди вақтида.

Гортензио

Хуш келибсиз менинг хонадонимга, ҳурматли, муҳтарам синъор Петруччо! Тур ўрнингдан, Грумийо, ҳозир ҳаммасини гаплашамиз.

Грумийо

Йўқ, синъор, гап билан битадиган иш эмас бу. Наҳотки шундай қонуний сабаб ҳам хизматдан бош тортишимга важ бўлмаса. Узингиз ўйлаб кўринг-а, синъор: у менга мени муштла, деб буюрди, тағин қаттиқроқ ҳам, деди. Хўш, хизматкор деган ўз хўжасини шундай қила оладими? Ахир ўттиз иккини уриб қўйган-ку у.

Агар урганимда уни, барибир,
Менинг бошим оғримасди-ку!

Петруччо

Қип-қизил аҳмоқ у, азиз Гортензио,
Эшикни муштлагин дедим меровга,
Кўриб турибсанки, аҳвол мана шу.

Грумно

Эшикни муштлагин! О, тангрим! Ахир сиз ўзингиз
айтмадингизми мана бундай деб: «Эй, Грумно, ур, ур
қаттиқроқ, каллангта тушираман бўлмаса, ур». Энди
бўлса «эшикни» дейсиз.

Петруччо

Ўчир овозингни, ё йўқол, абраҳ!

Гортензио

Бўлди, Грумиога кафилман, дўстим,
У кекса, сидқидил, яхши хизматкор.
Уни қўй, қай баҳтли шамол учирди
Падуяга, дўстим, у Веронадан?

Петруччо

Мени Веронадан учирган шамол —
Ешларни уйидан йироққа қувган
Қисмат шамолидир. Қисқаси, дўстим,
Шундай тақдир бунда келтирди мени:
Отам вафот этди. Энди бир яхши,
Бадавлат жой топиб уйланай, дея
Мана шу масканга қараб йўл олдим.
Үй тўла молу мулк, кармон тўла пул,
Қасд қилдим ер юзи саёҳатига.

Гортензио

Азизим Петруччо, агар мен сени.
Шу ерда, ўлгудай қайсар бир қизга

Уйлантириб қўйсам не дейсан? Шошма,
 Раҳмат-ку демайсан, биламан буни,
 Аммо худо урсин, жуда бой ўзи!
 Аммо қистамоқчи эмасман сени,
 Дўстимсан, у ёғи ихтиёрингда.

Петруччо

Азиз Гортензио, сен билан бизга
 Ортиқ гап кетмайди, бордию бой қиз
 Сенча менбоп экан, шунинг ўзи бас.
 Менинг учун никоҳ бу — муллажиринг,
 Майли, менга деса, Сивилладан
 Бадбуруш бўлса ҳам, Флорентийнинг
 Хотинидан баттар хунук бўлса ҳам,
 Ҳаттоки, Суқротнинг Ксантиппасидан
 Қайсар бўлса ҳамки, қайтмайман ундан.
 Адриатиканинг довули каби
 Даҳшатли бўлса ҳам мен Падуяда
 Унга уйланаман, тамом, вассалом!

Грумио

Мана кўрдингиэми, синъор, у калласидаги бор гапини
 тўппа-тўғри айтди-қўйди. Унга олтин бўлса бас, қўғир-
 чоққа ҳам, таёққа ҳам, борингки, оғзида битта тиши
 йўқ, ҳеч бало билан иши йўқ, минг хил касалга гирифтор
 қирчангни шум кампирга ҳам уйланаверади. Унга, ҳали
 айтганидай, муллажиринг бўлса бас!

Гортензио

(Петруччога)

Мадомики дўстим, шундай экан гап,
 Давом эттирамиз уни рўйирост.
 Ростдан сенга уни таклиф этаман,
 Жуда боп, тобида, жуда чиройли,
 Кибор таълимини олган ўзи ҳам,

Битта нуқсони бор, биракай, лекин,
Үлгудай жанжалкаш, бас келиш маҳол,
Үтакетган ўжар, бениҳоя қўрс.
Мен эса олмасдим уни ҳеч қаҷон
Олтин-кумушларга ўраб берса ҳам.

Петруччо

Сен олтин кучини билмас экансан!
Отаси ким ўзи, шуни айтсанг бас.
Қизни қўлга олиш ҳеч нарса эмас,
Момақалдириқдай гулдураса ҳам.

Гортензио

Отасининг оти Баптиста Минола,
Мулойим, ғоятда ҳурматли синъор.
Қизи Қатарина ҳаммага маълум
Аччиқ тил, бадфеъл ва беандиша.

Петруччо

Қизини билмайман, аммо отасини
Эшитганман, биларди отам раҳматлик.
Энди уни кўрмай уйқу йўқ менга,
Шунинг учун дўстим, менга ижозат,
Узр, кўришибоқ, хайрлашамиз,
Олиб боролмасанг мени у ёққа.

Грумийо

Марҳаматли синъор, қўйинг, боргиси келиб турган
экан, бораверсин. Менинг сўзим эсингизда бўлсин, агар
у қиз буни мен билгандай билса, гап таъсир қилмаслиги-
ни тушунган, минг марта муттаҳам деб ҳақорат қилгани-
да, бир марта ҳам пинагини бузмаслигини уқсан бўлар
эди. Агар у бошлаб қолса жанжални, бор гапини тугат-
магунича тўхтатиш маҳол. Мен сизга шуни айтиб қўйай,
синъор, бу вағиллаётганда у бир марта бўлса ҳам сўзи-
ни бўлсин, ана ўшанда кўрасиз томошани, у Қатаринан-

тизнинг адабини шундай боплаб берадики, қочгани жой тополмай қолади. Сиз ҳали уни билмайсиз, синъор.

Г о р т е н з и о

Мен олиб бораман, шошма Петруччо,
Баптиста, кенжаси, гўзал Бъянкани
Зинданда тутгандек тутади уйда,
У менга азиздир ҳаммасидан ҳам.
Мендан, турли-туман ошиқларидан
Уни, қари хўқиз яшириб қўйди.
Каттасининг айби кичкинасининг
Бахтига халақит бермасин, дея
Қамаб қўйди уни, қоқвош Катарина
Эрга чиқмагунча, дея шафқатсиз.

Г р у м и о

«Қоқвош!» Кўп лақабни биламан, аммо,
Қиз болага бундан ёмони бўлмас.

Г о р т е н з и о

Петруччо, азизим, бир ҳожат чиқар,
Кийинай, муллим қиёфасида.
Баптистага танит, муаллим деб мени,
Музика, қўшиқда тенги йўқ, деб айт.
Бу иш зора менга қулайлик берса,
Овласам овлоқда мен бехавотир,
Гўзал Бъянканинг мурғак кўнглини

Г р у м и о

Мана қаллоблик, мана тириқлик! Буни қаранг, бечора кексаларни лақиллатмоқ учун ёшлар нималарни ўйлаб чиқаришмайди!

Г р е м и о· ва кийимини ўзгартирган Люченцио бир қучоқ китоб билан киришади.

Г о р т е н з и о

Шошма, Грумио! Ана рақибим,
Петруччо, четроққа ўтайлик.

Г р у м и о

Қойил!
Худди қуийиб қўйған ошиқнинг ўзи.

Четга ўтишади улар.

Г р е м и о

Үқиб чиқдим китобларнинг номини,
Муқовалар қилдирамиз яхшилаб.
Фақат севги китоблари, вассалом,
Үқий кўрманг Бъянкамга ўзгасин.
Уқдингизми? Тағин мендаи ташқари
Баптиста ҳам ҳақ тўлайди, шубҳасиз.
Ҳали сизга олиб берган энг яхши
Хушбўй, ғоят асл атиrlаримни
Дафтарларга пуркаб қўйинг яхшилаб,
Хўш, айтинг-чи, нима ўқимоқчисиз?

Л ю ч е н ц и о

Нимаки ўқисам, муҳтарам синъор,
Сизнинг фойдангизга бўлур ҳаммаси.
Тасаввур этингки, унга мен эмас,
Ўзингиз муҳаббат изҳор қиласиз,
Ҳаттоки аълороқ алломалардан!

Г р е м и о

Алломалик! Қандай улуғ фазилат!

Г р у м и о

(четга)

Калтабни, мўлтони! О, улуғ эшишак!

Петруччо

Бетайин, жим бўл, эй!

Гортензио

Жим, Грумио!

(Олга чиқади.)

Салом, азиз дўстим, муҳтарам синъор!

Гремио

Синъор Гортензио, сизни кўрганим
 Нақадар соз бўлди. Азизим, ҳозир
 Баптиста олдига келаётирман.
 Гўзал Бъянкага, эсингиздами,
 Ваъда қилиб эдим муаллим.
 Қарангки, навқирон, камсухан, камтар,
 Ақлли, билагон шеъриятда ҳам.
 Худди айтганимдай, ҳа, худо ҳаққи.

Гортензио

Жуда соз. Учратдим мен ҳам бир синъор,
 У бизнинг бекамиз учун бир яхши
 Созанда топишга сўз берди қатъий.
 Демакки, севикли ёр хиэматида
 Орқада қолмабман мен ҳам, азизим.

Гремио

Йўқ, менинг севиклим! Исбот этаман!

Груммо

(четга)

Шубҳасиз, ҳамёни исбот этади.

Гортензио

Вақтимас муҳаббат баҳсининг ҳозир.
 Синъорлар, гапим бор, бир оғиз холос,
 Янги гап, энг муҳим, ҳаммага оид!

Манови зодагон биз учун ўша
Қайсар ва жанжалкаш Қатаринага

(Келишиб албатта сепи ҳақида)

Биз деб уйланмоқчи бўлди рўйирост.

Грэмио

Жуда соз, ишимиз пишибди демак!
У қизнинг айбидан хабари борми?

Петруччо

Хийла шаллақироқ, дейдилар уни,
Шунинг ўзи бўлса, унчалик эмас.

Грэмио

Шундайми? Ўзингиз қайси ёқдансиз?

Петруччо

Вероналик бўламан, отам Антонио.
Отам ўлиб кетган мулкини ташлаб.
Юз йил баҳтли яшаш ниятим холос.

Грэмио

Бундай хотин билан қийинроқ бўлар!
Сабрингиз чидаса, худо ёр бўлсан!

Наҳотки қатъийдир қарорингиз, синъор,
У ахир хотинмас, ёввойи мушук!

Петруччо

Ҳа, яшаш ниятим бўлгандай қатъий!

Грумио

Қайтариб бўлмайди уни бу йўлдан.

Петруччо

Бўлмаса не эди келишдан ният?

Яңгими шовқину суронлар меңга?

Эшишмаганманми шер бўкиришин?
 Эшишмаганманми, ҳаддидан ошган
 Қобондай қутурган баттол денгизни?
 Жангда тўп довулин кўрмаганманми,
 Еки осмонда момақалдироқ?
 Жанглар тўзонида эшишмаганманми
 Жанговар суронлар, отлар кишинашин?
 Хотин машмашаси нима бўлибди?!
 Оловда қовурилган хандон пистадай,
 Чала очилганча қолади оғзи,
 Болаларни қўрқитинг!

Грумийо

У қўрқиб бўпти!

Гремио

Дўстим Гортензио, менинг наздимда,
 Бизнинг бахтимиизга ҳам ўз бахтига
 Вақтида келганга ўхшайди синъор.

Гортензио

Сўз бердим унга мен никоҳга кетган
 Харажатларига қарашамиз деб.

Грумийо

Албатта, албатта, фақат уйлансин!

Гремио

(четга)

Шундай нақд бўлсайди қорин қарзи ҳам.

Яхши кийинган Транио билан Бъонделло киради.

Транио

Тангри ёрлақасин сизни, синъорлар,
 Жойиз бўлурмикан сўрасам сиздан
 Ҳурматли Баптиста Минола уйин?

Бъонделло

Икки гўзал қизи бор Баптистани сўраяпсанми?

Транио

Топдингиз, азиэим.

Гремио

Қизи керакмиди ё ўзи, синьор?

Транио

Даҳли йўқ, биродар, бу менинг ишим.

Петруччо

Банд этган бўлмасин сизни ўжари?

Транио

Ужарга ҳушим йўқ, кетдик, Бъонделло.

Люченцио

(четга)

Қойил, Транио.

Гортензио

Синьор, бир нафас!
Үйланмоқчиларми ростдан, беҳазил?

Транио

Ким доғда қолади, бўлса беҳазил?

Гремио

Ҳеч ким, жўнаб қолинг бу ердан ҳозир!

Транио

Қўча ҳамманики, синьор, сизга ҳам,
Менга ҳам очиқдир...

Гремио

Бугунмас фақат!

Транио

Сабаби не экан, тушунтирсалар.

Гремио

Сабаби, мабодо билмоқ бўлсалар,
Бъянка Гремиога аталган, басми?

Гортензио

Синьор Гортензио харидор унга.

Транио

Секинроқ, жаноблар, зодагонларсиз,
Қулоқ солинг менга марҳамат қилиб.
Олижаноб синьор, ахир, Баптиста,
Менинг отамни ҳам билмайди эмас.
Қизчаси бундан ҳам чиройли бўлиб,
Бундай кўп бўлса ҳам харидорлари,
Барибир, бўлардим уларнинг бири.
Леди қизин сонсиз эди ошиғи,
Битта ортиқроқдир, балки буники,
Ана шу биттаси менман мутлақо,
Парис бўлганда ҳам рақибим ҳатто.

Гремио

Наздимда бу бизни йўлда қўяди.

Люченцио

Қирчанғи от, холос. Ҳеч ташвиш тортманг.

Петруччо

Бунча кўп гап сотдинг эй, Гортензио?

Грэмио

Майлими, синьор, мен бир савол берсам,
Баптиста қизини ҳеч кўрганмисиз?

Транчио

Їўқ, лекин биламан, улар иккита,
Бири — номи кетган қайсар, заҳардир,
Бири — хуш феъли-ла ҳаммага манзур.

Петруччо

Шошманг, тега кўрманг биринчисига!

Грэмио

Геркулесга қолсин бу қаҳрамонлик,
Қийинроқ кўчади буниси, синьор.

Петруччо

Синьор, кўнглингизни тинчитиб қўяй:
Сизни гангитган қиз, гўзал Бъянка
Қафасда. Отаси агар биронта
Куёв топмас экан катта қизига,
Уни кўролмайсиз биронтангиз ҳам,
Эрк олур кенжаси фақат ўшанда.

Транчио

Эй, ҳали сизмисиз, бизнинг, жумладан
Камиинанинг, марди мададкорлари?!
Мабодо эрита олсангиз музни,
Опасин олсангиз мардлик кўрсатиб,
Очиб беролсангиз кенжасига йўл,
Бъянка баҳтига мұяссар бўлган
Қаллиқ сиздан қарздор бўлиб қолмагай.

Г о р т е н з и о

Жуда оқилона фикр айтдингиз,
 Лекин сиз ҳам биздай бўлганингиз учун
 Баробар тўлайсиз биз билан бирга
 Синъорнинг хизмати — харажатини.

Т р а н и о

Мутлақо! Сўзимнинг исботи учун
 Шу оқшом уйимга марҳамат қилинг,
 Қадаҳ кўтарамиз Бъянка учун.
 Келинг, йўл тутайлик адвокатлардек:
 Расмиятда — расмий, улфатда — улфат.

Г р е м и о в а Б ѿ н д е л л о

Мана бу зўр таклиф, соз! Қани кетдик.

Г о р т е н з и о

Бундай оқил фикр бўлмас дунёда,
 Марҳамат, хуш кўрдик, дўстим Петруччо!

(Кетишади.)

II ПАРДА**1-САҲНА**

Падуя. Баптиста уйининг бир хонаси. Қатарина билан
Бъянка киришади.

Бъянка

Мазах қилма мени энди, опажон,
Қайтага ўзингни ерга урасан,
Мени чўриларга ўхшатмоқ бўлиб.
Бераман жамики жиҳозларимни,
Фақат боғламагин менинг йўлимни,
Ҳамма кийимимни, юбкамгача ол.
Нима десанг, майли, кўнаман, опа,
Каттага бўйсунмоқ муқаддас бурчим.

Қатарина

Ҳозироқ айт, айёрлик қилмасдан,
Жазманлар ичидан ёқар сенга?

Бъянка

Опажон, бу яқин ўртада ҳали
Менга ёқадиган, кўзимга тушган
Биронта эркакни билмайман, инон.

Қатарина

Ёлғон бу, жонгинам! Гортензио-чи?

Бъянка

Сенга ёқадими? Бўлмасам ўзим
Ҳаракат қиласман, у сенга бўлсин.

Катарина

Ҳа, бундан чиқдики, сенга пули кўп
Синьор Гремио афзалроқ экан.

Бьянка

Нима, Гремио?.. Бу нима, рашкми?
Энди билдим сени, ўйнашяпсан,
Доим мени шундай мазах қиласан.
Жон опа, боғлама менинг йўлимни.

Катарина

Ўйнашяпманми? Бу-чи бўлмасам?
(Уради.)

Баптиста киради.

Баптиста

Бу тағин нимаси? Нима аҳмоқлик!
Бьянка, нари тур. Йиглама, болам.
Ёнига йўлама, тикишингни тик.

(Катаринага)

Уялсанг бўларди? Бу нима қилиқ?
Сенга у тегмаса, нима қиласан
Хафа қилиб уни. Бирон нобоп гап
Дедими сенга у, айт-чи, хўш, қани?

Катарина

Ўша демагани жинимга тегди!
Мен бунга ҳеч қачон чидай олмайман!

(Бьянкага ёпишади тағин.)

Баптиста

Менинг олдимда-я! Чиқиб тур, қизим.

Бьянка чиқади.

Катарина

Биламан, сиз мени ёмон кўрасиз,
Ҳаммаси ўшанга, эр ҳам ўшанга.
Хўш, нима, қолайми қари қиз бўлиб?
Естиқ бўлайинми ёнбошингизга?
Нега индамайсиз? Ииглайвераман
Ўч олмагунимча тамом, вассалом!

(Кетади.)

Баптиста

Бормикин мендан ҳам бадбахт дунёда!
Ана, келишяпти...

Гремио, юпун кийинган Люченцио, Петруччо,
музикачи қиёфасида Гортензио, китоб ва музика асбоби
қўлтиқлаб олган Транио билан Бонделло киришади.

Гремио

Азиҳ қўшинимизга саломлар бўлсин!

Баптиста

Салом сизга ҳам, ҳурматли Гремио. Худо ёр бўлсин,
синьорлар.

Петруччо

Сизга ҳам. Айтинг-чи, отасимисиз
Гўзал ва хушфеъл Катаринанинг?

Баптиста

Катарина деган қизим бор, тўғри.

Гремио

Қаттиқроқ кетдингиз, аста-секинроқ.

Петруччо

Аралашманг, синьор, халақит берманг.

(Баптистага)

Веронадан келдим, зодагон аслим,
 Ақли, камтарлиги, хушфеъллиги,
 Гоят гўзаллиги, одоби билан
 Машҳур Қатарина отли қизингиз
 Борлигин эшитиб келдим сўроқлаб,
 Қанчалик ҳақиқат эканин, синьор,
 Кўрайин дедим ўз кўзим билан.
 Таништириб қўяй, рухсатингиз билан,
 Менинг хизматкорим бўлади бу зот.

(Гортензиони кўрсатади.)

Ўзи математик, уста созанда.
 Ўзининг бу нодир илмини, синьор,
 Ургатиши мумкин қизларингизга.
 Асли Мантуядан, номи Лично,
 Қабул бўлишига имоним комил.

Баптиста

Хурсандман, оламан уни албатта,
 Аммо Қатарина масаласида...
 Афсуски, у сизга тўғри келмайди.

Петруччо

Айрилиш осонмас севикли қиздан,
 Еки ёқмадимми жанобингизга?

Баптиста

Иўқ, йўқ. Сирасини сўйладим холос,
 Ўзингиз қаердан ва ким бўласиз?

Петруччо

Петруччо, отамнинг оти Антонио,
 Иўқ уни билмаган Италияда.

Баптиста

Биламан. Хурсандман кўриб ўғлини.

Гремио

Петруччо, бир нафас тўхтанг, биродар,
Бир оғиз бўлса ҳам айтиб қолайлик.
Азбаройи худо, қайга шошасиз?!

Петруччо

Тезроқ тугатайин деяпман холос.

Гремио

Бу билан никоҳга берасиз қасам!

Қўшни, имоним комилки, менинг тортиғимдан ғоят хурсанд бўласиз. Менинг сизга бўлган ихлосимни ўзингиз яхши биласиз, синъор, чунки сизга мен бошқалардан кўра кўпроқ яқинроқман. Шунинг учун мана бу олимни сизга олиб келдим. (*Люченциога шиора қиласди.*) Узоқ вақт Реймсда таҳсил кўрган. Анави киши математика билан музикани билганидек, юнон, лотин ва бошқа тилларни яхши билади. Унинг номи Қамбио. Илтимос қиласман, қабул қилинг уни.

Баптиста

Минг марта раҳмат сизга, синъор Гремио. Хуш келибсиз, азиз Қамбио. (*Траниога.*) Айтгандай, марҳаматли синъор, сиз бу ерликка ўхшамайсиз. Бу томонларга қилган сафарингиз сабабини билсак бўладими?

Транио

Менинг журъатимни кечиринг, синъор,
Босибоқ шаҳрингиз остонасини,
Гўзал, латофатли кенжак қизингиз —
Бъянка қўлини сўрадим, узр.
Биламан, даставвал қатта қизингиздан

Тинчимоққа қилган қарорингизни.
 Лекин менинг битта илтимосим бор,
 Қелиб чиқишимни эшитиб, синъор,
 Қуёвлар қатори кўрсангиз мени.
 Бошқа харидорлар сафида мен ҳам
 Марҳаматингиздан баҳраманд бўлсам,
 Билиб истеъдодин қизларингизнинг,
 Чолғу асбоблари ва лотин, юон
 Тилида китоблар келтирдим мен ҳам,
 Сазовор бўлса гар диққатингизга,
 Қимматим оширган бўлар эдингиз.

Баптиста

Қайдансиз, отингиз Люченциоми?

Транио

Пизалик. Үғлиман Винченционинг.

Баптиста

Эшигтанман уни, эътиборли зот,
 Ҳуш кўрдик, ҳасанот қадамларига.

(Гортензиога)

Удингизни олинг.

(Люченциога)

Китобларни олинг.
 Боринг толибалар олдига энди.
 Эй, ким бор?!

Хизматкор киради.

Ҳурматли синъорларни тез
 Қизларим олдига одиб бориб қўй.
 Ҳам айтки, яхшилаб кутиб олишсин,
 Кейин бэққа чиқиб овқатланамиз.

Синьорлар, хурсандман ташрифингиздан,
Ишонаман, бунга шубҳа қилмассиз.

Петруччо

Мен нима қилайин, синьор Баптиста?
Ҳар куни келишга вактим йўқ менинг.
Мени-ку биласиз, отам орқали
Еру сув, давлатин меросхўриман.
Бойитсам бойитдим, совурганим йўқ.
Ололсам қизингиз розилигини,
Сепига нималар берасиз, синьор?

Баптиста

Вафотимдан кейин ярим давлатим,
Тўйга йигирма минг крон бераман.

Петруччо

Мен бўлсам, мабодо, эҳтиёти шарт,
Бевалик тушгудай бўлса бошига,
Бутун ҳовли-жойим, ерларимгача
Ўтказиб қўяман унинг номига.
Битим — шартномага тайёрман, синьор.

Баптиста

Шартнома бўлади. Ҳаммадан аввал
Келишинг у билан — ҳамма гап шунда!

Петруччо

Ҳеч гапмас! Мен сизга айтсам, отажон,
У қайсар, аммо мен ундан қайсарман.
Олов олов билан тўқнашар экан,
Ёнади ҳаммани қилгунича кул.
Гарчанд ўт чиқарур учқундан шамол,
Уни ўчиришга қодирдир бўрон.
Шундайман, шубҳасиз эгилади у,
Йигитман, ахир мен бола эмасман.

Баптиста

Худо ёрлақасин, ҳа, майли, синъор,
Менданмас қарғиши түйиб чиқсангиз.

Петруччо

Кўрқмайман. Тоғлар ҳам турибди ахир,
Шамол зуғумини қилмасдан писанд.

Боши ёрилиб Гортензио чиқади.

Баптиста

Не бўлди, оқариб кетибсиз, дўстим?

Гортензио

Эсим чиқиб кетди ростини айтсам.

Баптиста

Хўш, ундан созанда чиқадимикан?

Гортензио

Ҳа, солдат чиқади ундан ажойиб,
Уд нима, бешотар беринг яхиси.

Баптиста

Синдиридингизми удга нафратин?

Гортензио

Аксинча, синдириди удни бошимда,
Пардада кўрсатиб хатосин аста
Ушлаб букарманми бармоқларини,
Қичқириб юборди ва ғазаб билан:
«Ма, ўзинг уддала, кўтар удингни!»—
Деб чунон солдики у билан мени,
Пақ этиб қопқоғи бўйнимда қолди.
Сазойи одамдек, бўйнимда қопқоқ,
Аҳмоқдек серрайиб қолдим қошида.

У бўлса аҳмоқдан аҳмоққа солар,
Мени қарғаш учун атайлаб унга,
Дунёда нимаки ҳақорат бўлса,
Ҳаммасин ўргатиб қўйгандай бирор,
Қарғарди бир нафас тўхтамай мени.

Петруччо

Ажойиб қиз экан, худо ҳаққи, у!
Тағин ҳам ихлосим ошди у қизга.
Эҳ, қилиб кўрсайдим даҳанаки жанг!

Баптиста

(Гортензиога)

Қўйинг, хафа бўлманг, юринг мен билан,
Яхвиси ўқитинг кенжак қизимни.
Миннатдор бўлади, зеҳни ҳам яхши.
Бирга юрасизми, синъор Петруччо,
Е бунда юборай Қатаринани?

Петруччо

Юборинг яхвиси. Кутаман шунида.

Баптиста, Гремио, Транио ва Гортензио
кетишади.

Ишни хушомаддан бошлайман секин,
Тўполон бошласа, кўтарса шовқин,
Булбулигё деб соламан қулоқ.
Хўмрайса — юзингиз ўхшайди дейман
Шабнамда ювилган қип-қизил гулга.
Безрайиб ўтирса —войбў, шунаقا
Гапга чечанлар ҳам бўлар экан, деб,
Ҳайратда атайин мақтаб қоламан.
Ҳайдаса — меҳмон бўл дегандек бир оз,
Еғдириб ташлайман раҳматларимни.
Рад этса — ўзингиз тайинланг дейман

Никоҳ ва тўйимиз куни-соатин...
Ана у келмоқда, бошла Петруччо!

Катарина киради.

Салом, Кет! Исмингиз шундай эшилдим.

Катарина

Шундай эшилдингиз? Ёмон эшилибсиз.
Ҳамма чақиради Катарина деб.

Петруччо

Нимага?

Отингиз жуда ҳам ширин,
Кет — икки маънода келади бизда:
Лаззатли луқма-ю, чиройли Мушук.
Мен учун номингиз фақат Кет холос;
Гоҳида хоним Кет, гоҳи қайсар Кет,
Кет фақат, вассалом, соҳибжамол Кет,
Асал Кет, асалдан ширин-шакар Кет,
Тилимнинг учиди турган новвотим,
Севгилим, шодлигим, овунчоққинам,
Қамоли ҳуснинг-у, латофатингнинг
Достонин эшилдим турли тиллардан.
Ҳамма таърифлардан ортиқсан аммо.
Бу ёққа отландим, уйланмоқ — ният!

Катарина

Отландим... Қим сизни жўнатган бўлса,
Жўнатсин қайтариб ўша томонга.
Қўзгатиш қийинмас, кўриб турибман.

Петруччо

Тушуна олмадим.

Катарина

Манов стулдай!

Петруччо

Кел, ўтири тиззамга.

Катарина

Минмайман эшак!

Сендай эшакларга миндириш одат.

Петруччо

Бу хислат ёт эмас аёлларга ҳам.

Катарина

Сен бошқа қирчанғи бияни изла!

Петруччо

О, сенга тушмайди оғирлигим, Кет,
Биламан, сен ёшсан, құшдай енгилсан.

Катарина

Мен шундай құшманки, тутиб бўлибсан!
Құшдай енгил бўлсам керагичаман.

Петруччо

Арига ўхшайсан!

Катарина

Сен япалоқ қуш!

Петруччо

Каптар ем бўлади япалоқ қушга!

Катарина

Каптар чангалида жон беради у.

Петруччо

О, заҳринг кўп экан, бу шаҳдингдаи қайт!

Катарина

Заҳримни соламан, найзамдан ҳайиқ.

Петруччо

Найзангни суғуриб ташлайман тамом.

Катарина

Қаерда, аввало уни топ, аҳмоқ.

Петруччо

Арининг найзаси қаерда, маълум:
Думида!

Катарина

Тилида!

Петруччо

Кимнинг тилида?

Катарина

Думида деганинг тилида, хайр!

Петруччо

Нимади?

Йўқ!

Тилим сенинг думингда?

Ахир мен зодагон!

Катарина

Ҳозир кўрамиз.

(Уни солиб қолади.)

Петруччо

Яна ур, жавоби бўлур албатта.

Катарина

Зодагон тожи·ла хайрлаш унда,
Урдингми — зодагон әмассан, дейман,
Зодагон тожи ҳам бўлмаган сенда.

Петруччо

А, ҳали шундайми? Ёз, менинг тожим...

Катарина

Нима бу, дубулғандаги, тожихўрозми?

Петруччо

Майли, хўroz бўлсам, товуғим бўлгин.

Катарина

Хўрозмиш?! Қўрқади қичқиришга ҳам.

Петруччо

Бас қил, Кет. Энди кўп ҳаддингдан ошма!

Катарина

Ошаман, сен ахир хамиртурушсан.

Петруччо

Ачима, бу ерда хамиртуруш йўқ.

Катарина

Йўқ, у бор, йўқ, у бор!

Петруччо

Кўрсат бўлмаса.

Катарина

Ойнага қарагин!

Петруччо

Менми ҳали у?

Катарина

Еш бўлсанг ҳам анча ақлинг бор экан.

Петруччо

Ешлигим сен учун!

Катарина

Юзинг буришиқ!

Петруччо

Бу ғамдан!

Катарина

Ғаминг бўлса, менга нима?!

Петруччо

Шошма, Қет, барибир қутулолмайсан.

Катарина

Қўйворинг, таъбингиз хира бўлади.

Петруччо

Мутлақо. Сен менга моҳилиқосан.

Сени менга қайсар деган әдилар,

Ҳаммаси гап экан, кўриб турибман.

Аксинча, беозор, ювош, ширин гап,

Баҳор гулларидаи хушвақт экансан.

Қовоқ ҳам солмайсан тажанғ қизлардай,

Тишингдан лабларинг мўматалоқмас.

Гап қайтаришни ҳам билмайсан гапга,

Лутфи-эҳсон билан, эҳтиром билан

Сийлайсан эшикда ошиқларингни.

Кимдир, оқсоқланиб юради, деди.
 Бу туҳмат! Самбитдай қоматинг сенинг,
 Енғоқдай тўқ магиз қорача танинг,
 Магизи ундан ҳам мазали, шақсиз,
 Юр-чи, мен кўрайин, оқсамайсанми?

Қатарина

Бор, буюр уйингда малайларингга!

Петруччо

Ҳеч юра олурми эди Диана
 Гўзал Кет этгандай шоҳона хиром?
 Диана қоматсан, Диана бу — сен!
 Йўқ, йўқ, Дианадан сипосан мутлоқ!

Қатарина

Қайдан ўргандилар бундай гапларни?

Петруччо

Табнатан шундай ҳозиржавобман.

Қатарина

Табнат донишманд, ўғли миясиз.

Петруччо

Миясиз?

Қатарина

Кеч бўлди, яхшиси, ётинг.

Петруччо

Етаман ва лекин сен билан фақат!
 Қел энди қўяйлик бемаъни гапни,
 Қисқаси, ола қол, деди отанг. Кет.
 Сепни ҳам келишдик, хоҳ ҳа де, хоҳ йўқ,
 Барибир эр-хотин бўламиз, хоним.

Менга жамолингни намоён этган
 Ёруғликка чиндан бўлсинки қасам,
 Турмушга чиқмайсан мендан бошқага.
 Мен сенинг пихингни қайирмоқ учун,
 Ёввойи мушукдан ювош мушукка
 Айлантирмоқ учун келдим дунёга.
 Мана сенинг отанг. Рад эта кўрма!
 Эринг бўлишим шарт ва бўламан ҳам!

Баптиста, Грэмио ва Траниолар қайтиб киришади.

Баптиста

Хўш, синъор, битимга келдиларингми?
 Ҳамма гап битдими?

Петруччо

Битганда қандоқ!
 Бошқача бўлиши мумкин эмасди.

Баптиста

Хўш, қизим, нега сен хурсанд эмассан?

Катарина

Тағин қизим дейсиз, шумиди ҳали,
 Сизнинг менга ғамхўр оталигингиз?
 Мени зўрлик билан хотин қилишга
 Жазм этган ўғрига, дағал ва шилқим,
 Бир тентак одамга қўшмоқчимисиз?

Петруччо

Гап бундай, отажон, унинг ҳақида
 Чувалган гапларнинг ҳаммаси бекор.
 Шунчаки қайсар у, аслда ғоят
 Беозор, мулойим, ювош кабутар.
 Аччиғи ҳам тезмас, сабрда ҳатто,
 Орқада қолдирап Гризелдани,

Лукреция дейсиз беғуборликда.
Қисқаси, у билан келишдик шундай,
Якшанба кунига түйимиз, синъор.

К а т а р и н а
Үнгача осилиб ўлишинг аён!

Г р е м и о
Петруччо, осилар бўлдингиз, мана!

Т р а н и о
Бу ҳолда, азизлар, ишимиз чатоқ!

П е т р у ч ч о

Мен уни танладим, у мени севди,
Нима ишларинг бор, синъорлар, тағин?
Шундай келишдикки, бошқалар бўлса,
Аввалги қилигин қиласверади.
Рост айтсан, кўзимга ишонолмайман,
Қандай севиб қолди у мени жондан!
У бирам бўйнимга осилиб олиб,
Қайта-қайта ўпид, қасамёд қилиб,
Қўймади севгимни уйғотмагунча.
Эҳ, каллаварамлар! Билмас экансиз,
Ҳар қандай балойи азимини ҳам
Овлоқда аврашин лапашангларнинг.
Қўлингни бер, жоним, энди жўнайин
Тўй либослари-чун Венецияга.
Хозирлик кўрингиз тўйга, отажон,
Кет бўлур ҳаммадан энг соҳибжамол!

Б а п т и с т а
Нима ҳам дер әдим, беринг қўлингизни,
Петруччо, хурсандман, қўшақаринглар!

Гремио ва Транио

Омин, гувоҳликка ўтдик иккимиз.

Петруччо

Отажон, хотиним, синьорлар, хайр!
 Кетаман, якшанба бозори яқин,
 Зеби зийнат, либос, узук оламан,
 Қани, ўп эрингни, қўрқма, азиз Қет,
 Катта тўй қиламиз келар якшанба!

Петруччо ва Катарина икки томонга бурилиб
 кетишади.

Гремио

Қандай тез ҳал бўлди буларнинг иши!

Баптиста

Савдогардай бўлиб қолдим, дўстларим,
 Номаълум, молимни олиб кетди ким?

Транио

Утиб қолди касот молингиз, синьор,
 Ё ҳаён, ё зиён беради энди.

Баптиста

Бахтлари очилса фойда ана шу.

Гремио

О, бўлсин бу ҳақда хотирингиз жам,
 Энди сўзлашайлик кенжаси ҳақда.
 Кутилган вақт келди; ҳамсоянгизман,
 Гўзал Бъянканинг илк харидори!

Транио

Мен ғоят севаман: ифодасига
 Тил хазинасида топилмайди сўз!

Гремио

Нодонсан, сен мендек севолмайсан ҳеч!

Транио

Яхлатиб қўясан бечора қизни.

Гремио

Сен-чи, куйдирасан, шубҳасиз, уни!
Бор, гўдак, чол билар хотин қадрини.

Транио

Барибир ёшини дер хотин зоти.

Баптиста

Синъорлар, жанжални мен қилайн ҳал,
Кимда-ким қизимнинг ҳаққи-маҳрига
Кўп қўйса, шу бўлур унинг куёви.
Сиз нима қўясиш, синъор Гремио?

Гремио

Жиҳозга лиқ тўла шаҳар ҳовлиму
Нозик қўлларини ювишга унинг
Тиллодан обдаста, жомлар муҳайё.
Уйларга тўшалган ипак гиламлар,
Лиқ тўла тангаси билан қутилар.
Шамшод сандиқларда моли дунёси,
Ҳарир кўйлаклару тахтиравонлар,
Марварид қадалган турк болишлари,
Зарбоф кийимлари Венециянинг,
Мис асбоб ва неки лозим рўзгорга,
Ҳаммаси-ҳаммаси уники. Тағин
Юз сигир сут-мути, қаймоғи билан,
Юз чоғли боқилган семиз буқалар
Ва ҳар хил ортиқча мол-у жонивор.
Очиғи, ёшим ҳам бир жойга борган,

Эртага кўз юмсам бари уники,
Хўш, менга тегишига унасин фақат.

Трано

Мана шу «фақат»да ҳамма гап, синьор,
Отамнинг ягона меросхўриман.
Қизингиз унаса менга чиқишига,
Бадавлат Пизада бир неча уйнинг
Бекаси бўлади, бу уйлар ҳеч бир
Қолишмас уйидан Гремионинг.
Ҳар йили олади бунинг устига
Ерлардан икки минг дукат, шубҳасиз,
Мана қизчангизнинг бевалик маҳри.
Қалай, тузлайдимми сизни, Гремио?

Гремио

Икки минг даромад ҳар йили?.. Уҳў...
Бор еримни сотсам бунча келмайди,
Ва лекин бир кема қўшоламан мен.
У ҳозир Марселда, Гаванда тайёр,
Хўш, эзиб қўйдимми бу кема билан!

Трано

Ҳаммага маълумки, менинг отамнинг
Қайиқлардан бўлак учта кемаси
Ва ўнлаб қайиги бор. Бари унга!
Қўшсанги, икки бор қўшаман тағин!

Гремио

Йўқ энди ҳеч менинг қўшадиганим!
Боридан ортигин бера олмайман!
Ярасам олинглар бор-йўғим билан.

Трано

Хўш, энди Бъянка менга қолдими?

(Баптистага)

Ваъдангиз бор эди, мен уни енгдим.

Б а п т и с т а

Очиғи, маъқули сизники бўлди,
Бордию отангиз кафил бўлолса,
Бъянка сизники. Бўлмаса, узр,
Сиз олдин ўлсангиз нима бўлади?

Т р а н и о

Қизиқ гап! Мен ёшман, у бўлса — кекса.

Г р е м и о

Ким айтди ёшларни ўлмас деб сизга?

Б а п т и с т а

Эшитинг, синьорлар, менинг сўзимни,
Шу қелар якшанба Катаринанинг —
Тўйини қиласман, қарорим қатъий!

(Траниога)

Отангиз ризолик берсалар агар
Сизнинг ҳам тўйингиз бўлади шу кун.
Бўлмаса бераман Гремиога.
Хўш энди, синьорлар, раҳмат сизларга.

Г р е м и о

Хайр-хўш.

Б а п т и с т а кетади.

Сендан-ку қўрқар жойим йўқ,
Бунчалик аҳмоқмас отанг, биламан,
Қариган чоғида барини бериб
Қараб ўтирумайди қўлингга, нодон!
Қари тулки билан ўйнашиш ёмон.

(Кетади.)

Т р а н и о

Ҳи, ҳали шошмай тур, довдираган чол!
Тагин бир бошқача йўлим бор ҳали,
Биламан хўжамга ёрдам беришни.
Бу сохта ўғилни топган азамат
Сохта отани ҳам топа олади.
Одатда отадан турилар ўғил,
Муҳаббат йўлига тикиб жону тан,
Бу сафар отамни ўзим туғаман!

Кетади.

III ПАРДА**1-САХНА**

Падуя. Баптистанинг уйи.
Люченцио, Гортензио ва Бъянка киради.

Люченцио

Эй, машишоқ, етади, шилқим бўлма кўп!
Дарров унутдингми қанақа қарши —
Олганин синьора Қатаринанинг?

Гортензио

Қуруқ! Бунча энди оҳанг қилмасанг,
Ўзи-ку бу ерда оҳанрабонинг.
Энди тан берсанг ҳам бўларди, бебаҳс.
Бир соат машқ қилай, кейин бир соат
Қолади сенинг ҳам китобларингга.

Люченцио

Хомкалла! Қанақа оми одамсан?!
Музика нимади, билмайсан ўзинг,
Меҳнат, машғулотдан толган ақлга
Хордик беради у, фақат шу холос.
Ҳозирча ўқиши ва фалсафа дарси,
Чолғунгни чаларсан толганимиизда.

Гортензио

Тоқатим йўқ сенинг мазахларингга!

Бъянка

Беҳуда тортишувларингиз билан
Мени ранжитасиз, синьорлар. Чунки,

Инон-ихтиёрим менинг ўзимда.
 Гаврондан қўрқмайман, ёш боламасман,
 Вақтимни, илтимос, ўзимга қўйинг,
 Хоҳласам тинглайман, хоҳламасам йўқ.
 Жанжални бас қилинг, ўтиринг бунда.

(Гортензиога)

Олинг удингизни, соз қилиб туринг,
 Биз китоб ўқиймиз, вақт ўтмасин.

Г о р т е н з и о

Ўқиши тўхтайдими мен созлаб бўлгач?

Л ю ч е н ц и о

Ушанда қўрамиз, созингни созла!

Б ъ я н к а

Қаерда қолувдик аввалги сафар?

Л ю ч е н ц и о

Мана бу бобида:

«*Hic ibat Simois; hit ezt Sigeia tellus;*

Hic steterat Priami regia celisa senis!»

Б ъ я н к а

Таржима қилинг.

Л ю ч е н ц и о

Hic ibat — аввал айтганимдай; *Simois*¹ — мен Люченциоман; *hic est* — пизалик Винченционинг ўғли бўламан; *tsigeia ellus* — сизнинг муҳаббатингизни қозонай деб бошқача кийиниб олдим; *hicsteterat* — сизга

¹ Бу ердан Симоис дарёси ўтарди; мана бу ер сигейлар ери, мана бу ерда эса Приам оқсоқолнинг баланд саройи бўларди.

үйланмоқчи бўлган Люченцио эса, Priami — менинг хизматкорим Транио; regia—қари Панталоненинг кўзини шамралат қилиш учун; celſians—а менинг усти бошимни кийиб олган.

Гортензио

Синьора, созладим, марҳамат қилинг.

Бъянка

Чалинг-чи... Вой, бузуқ устки пардаси.

Люченцио

Яхшилаб тупуклаб созланг қайтадан.

Бъянка

Энди мен қилай-чи, таржимасини: *Hic ibat Simois* — мен сизни билмайман; *his est Sigeia tellus* — мен сизга ишонмайман; *hic stetebat Priamī* — ҳазир бўлинг, анави гапимизни эшитиб қолмасин; *zegia* — ортиқча умид қилманг; *celſa sinis* — ноумид ҳам бўлманг.

Гортензио

Синьора, созладим.

Люченцио

Пости бузуқроқ.

-Гортензио

Пости соз. Одамнинг посткаши бузуқ!

(Четга.)

Бу муллавачча кўп дағал ва шилқим,
Худо ҳаққи, унинг нияти бузуқ.

Pedascie!¹ Щошма, сени фош қилай!

¹ Муаллимчал

Бъянка

Балки, вақти келиб ишонарман ҳам,
Қўрқаман ҳозирча.

Люченцио

Қўрқманг, Эакид —
Аяксга унашилган туғилмасданоқ.

Бъянка

Иненишим керак муаллимимга,
Бўлмасам қишини оздирап шубҳа.
Илтимос, қўяйлик бунӣ, Лично.
Кечириңг, ҳурматли муаллимларим,
Сизга бир оз ҳазил қилганим учун.

Гортензио

(Люченциога)

Бизни холи қўйинг, боринг, дам олинг,
Қўшиқ уч овозда айтилмоқчимас.

Люченцио

Зўрликни қаранг-а! Ҳориганим йўқ!

(Четга.)

Кузатай. Бу бизнинг машшоқ, худо ҳаққи,
Уни севиб қолган ўхшайди ёмон.

Гортензио

Синьора, чолгуни тутмасдан аввал,
Бармоқларингизни қўймасдан унга,
Ўтамиз санъатнинг алифбесини.
Бошқа машшоқлардан кўра яхшироқ,
Аниқроқ гапириб бераман сизга,

Аввало гаммалар тузилишини.
Менда у ёзуғлик, мана гаммалар.

Бъянка

Гаммани биламан ҳаммадан яхши.

Гортензио

Лоақал бир кўринг менинг гаммамни.

Бъянка

(Ўқийди)

«Мен гамма, аккордлар асосидирман,
A, ге — мен Гортензио, мафтунинг сенинг,
B, mi — рад этмагин муҳаббатимни,
C, fa — бўл иффатли хотиним менинг.
bo, sol, ге — сарпарда, икки нота — хат,
E, Ia, pі — ё ўлим, ёки марҳамат.»
Гаммангиз шумиди? Йўқ, синьор, менга
Эскиси маъқулроқ. Уни бундақа
Үйдирма гапларга алишолмайман.

Хизматкор киради.

Хизматкор

Синьора, отангиз, ўқишини қўйиб,
Қарашсин, дедилар Катаринага.
Эртага никоҳи эмиш уларнинг.

Бъянка

Хайр энди, азиз мураббийларим!

Бъянка билан хизматкор кетади.

Люченцио

Унда мен ҳам энди кетсам бўлади.

(Кетади.)

Гортензио

Мен қолсам бўлади, пойлайман бир оз,
 Қандайдир ошиқда ўхшаяпти у.
 Ва лекин, Бъянка, ким кўринганга
 Кўз сузсанг, шунчалар паст бўлса дидинг,
 Бора қол ўшанга. Бироқ Гортензио
 Билсаки, ростданам бўлсанг мунофик,
 Сен билан орани қиласди очик!

(Кетади.)

2-САҲНА

Падуя. Баптистанинг уйн олдида.
 Баптиста, Грэмио, Транио, Қатарина,
 Бъянка, Люченцио ва хизматкорлар
 киришади.

Баптиста

(Траниога)

Синьор Люченцио, бугун Петручонинг
 Қатарина билан никоҳи куни,
 Аммо дараги йўқ ҳамон куёвнинг.
 Кулгига қоламиз. Нима дейди халқ?!
 Күёви йўқолди, черков мунтазир,
 Ҳамма нарса тайёр қачондан бери.
 Не дейсиз бу бизнинг шармандаликка?

Қатарина

Ёлғиз мен шарманда! Уйланишгамас,
 Унашишга шошган бетайин, дараг,
 Такаббур, шилқим бир масхарабозга
 Тегасан, деб кўнгил майлига қарши,
 Бақрайтириб туриб мажбур қилдингиз.
 Айтмадимми уни аҳмоқ деб сизга,
 Сурлиги-да унинг ёмонлиги деб!

Ҳазилкаш, қувноқ деб ном чиқаришга,
 Ҳаёлга ҳам олмай уйланиши у,
 Минг қизга унашиб, ваъда қилиб тўй,
 Одамлар чақириб, кулишга тайёр!
 Ҳамма бигиз қилар энди қўлини:
 Петруччо олмаган қари қиз—шу, деб.

Т р а н и о

Қўйинг, Қатарина, синьор Баптиста,
 Петруччо сизларни алдамайди ҳеч,
 Уни кечиктирган бирон ҳодиса.
 Қўполроқ бўлса ҳам, аммо ақлли,
 Ҳазилкаш ва лекин виждонли одам.

Қ а т а р и н а

Қошкийди, уни ҳеч кўрмаган бўлсам!

Инглаб чиқиб кетади, орқасидан **Бъянка** ва бошқалар
 ҳам чиқади.

Б а п т и с т а

Бор, болам, йиғласанг нима ҳам дейман.
 Қайсаrlигинг билан сенгина эмас,
 Уни фаришта ҳам кечиролмайди.

Бъонделло киради

Бъонделло

Хўжам, айланай хўжам! Янгилик, эски янгилик,
 шундай қизиқ янгиликки, бунақасини тушингизда ҳам
 кўрмагансиз!

Б а п т и с т а

Эски янгилигинг нимаси? Тағин қанақаси у?

Бъонделло

Ахир янгилик эмасми, Петруччо келиши?!

Баптиста

У келдими?

Бъонделло

Йўқ, синьор.

Баптиста

Йўқса, нима гап?

Бъонделло

Келиб қолади у.

Баптиста

Қачон келади?

Бъонделло

Менинг турган еримда туриб, сизга тикилганида.

Трано

Э, эски янгилигингни гапирсанг-чи, бизга!

Бъонделло

Гапираман албатта! Петруччо янги шляпада, эски жулдур камзул, қирқ ямоқ эски иштонда келяпти. Оёғида алмисоқдан қолган чурук этик, бир пойини қоринбог билан, иккинчисини арқон билан тортиб боғлаб олган, белида шаҳар тўпхонасида занглаб ётган эски, банди синиқ, дами қайрилган қинсиз қилич. Тагида куя еб ташлаган әгар, узангилари пойма-пой. Бунинг устига, тагидаги оти манқа, мишиғи оқиб ётибди, яғир, унда-бунда қолган тишлари оғзини очса тушиб кетади-

ган, қораталоги шўлоқлайди, ҳамма ёғи қўтири, бўғин-бўғинлари шишиб кетган, билишимча, бош оғриғи билан сариқ касалга мубтало бўлган бўлса керак. Гижжаси бор, кураклари чиқиб сағридан ой кўриниб ётибди. Олдинги оёғи оқсоқ, сувлиғи узуқ, нуқтаси бўлса қўй терисидан, от бечорани мункимасин дебми, ҳадеб торта-верганидан у савил нўхта қирқулоқ бўлиб кетибди. Айли ҳам олти бўлак чармдан уланган, қуюшқони духобадан, хотинлар эгариники. Қуюшқонда иккита бош ҳарф ёзуғлиқ, уларнинг атрофига чиннигул тиқи-либ, чилвир билан боғлаб қўйилган.

Баптиста

Ким келяпти у билан бирга?

Бонделло

Эҳ, синъор, отидан ҳам баттар—таъвия хизматко-ри. Унинг бир оёғида ип пайпоқ, иккинчисида эса, жун гетр. Уларни қизил ва кўк боғичлар билан боғлаб олган. Бошида бўлса пат ўрнига ола-була қирқта уқа тақилган шляпа. Усти бошлари ана шундай расвойи раддибало, на христиан малайлариницига ўхшайди ва на одамсифат католикларницига.

Транио

Бу хилда келиши бежизмас унинг,
Одатда бунақа кийинмас эди.

Баптиста

Қай хилда бўлса ҳам келганига шукур.

Бонделло

Иўқ, синъор, у келгани йўқ.

Баптиста

Ахир ўзинг айтмадингми, келди, деб?

Бъонделло

Ким? Петруччо келди деб?

Баптиста

Ҳа, Петруччо келди, дединг-ку.

Бъонделло

Йўқ, синьор, мен унинг оти келди дедим сизга.
Петруччо от устида ўтирибди, холос.

Баптиста

Ахир, бунинг қанақа фарқи бор?

Бъонделло

Қайда бунақа бозор?
Бунда бошқача сир бор!
Тўғри, от ва хўжайин
Тоқмас, жуфтлиги тайин,
Лекин иккита эмас.

Петруччо билан Грумийо киришади.

Петруччо

Қаёққа кетишибди? Эй, ким бор уйда?

Баптиста

Бошингиз омонми?

Петруччо

Бўлганда қандай?

Баптиста

Соғми, оёғингиз?

Транио

Усти бошингиз
Бир оз ғалатироқ кўринар, рости.

Петруччо

Яхши кийинсам ҳам шундай шошардим.
 Қани Кет? Қани, у нозик ниҳолим?
 Нимага ҳайронсиз, қалай отахон?
 Нега қор ёғмоқда қовоқларингдан?
 Нима, ҳайкалманми ҳеч ким кўрмаган,
 Думли юлдузмани, ё бирон махлук?

Баптиста

Синьор, ахир бугун тўйингиз сизнинг,
 Узоқ кутдик сизни, қайғурдик шундан,
 Қаттиқроқ қайғурдик бу ҳолда кўриб.
 Ахир либосингиз куёвникимас,
 Куёвнинг шаънига ярашмас зинҳор.

Транио

Келин билан сизни ажратган, қандай
 Муҳим юмуш экан, айтиб берсангиз?
 Ва бу турқларининг боиси нечук?

Петруччо

Боисин сўйласам, тарихи узоқ.
 Кечикиб бўлса ҳам келдим. Сўзимнинг
 Устидан чиқдимми, шунинг ўзи бас!
 Ўз вақти келганда айтиб бераман,
 Ишонинг, ҳаммангиз хурсанд бўласиз,
 Қани Кет? Анча вақт кўришолмадик,
 Черковга кечикиб қолмайлик ахир?!

Транио

Қандайин кирасиз латта-путтада,
 Усти бош берайнин, бу ёқقا юринг.

Петруччо

Йўқ, уннинг олдиға шундай кираман!

Баптиста

Никоҳга бу хилда бормайсиз лекин?!

Петруччо

Иўқ, фақат шу хилда бормоқчиман! Бас,
У менга тегади, кийимимгамас!
Унга ем бўлувчи вужудимни ҳам
Ана шу жулдурдай ўзгарта билсан
Унга ҳам, менга ҳам яхши бўларди.
Тавба, нима қилиб вайсаб турибман,
Келиннинг олдига шошилиш керак,
Қутлов, ҳам бир бўса билан хонимнинг
Тасдиқламоғи керак меникилигин.

Транио

Албатта бир гап бор бу қилиғида.
Уриниб кўрайлик, шундай бўлса ҳам,
Дурустроқ кийимда борсин никоҳга.

Баптиста

Ортидан борайчи, нима бўлади?

Баптиста, Грэмио ва хизматкор кетади.

Транио

(Люченциога)

Ҳали, синъор, сизнинг муҳаббатингизга
Розилиги керак отангизнинг ҳам.
Ҳали айтганимдай, бунга албатта
Топилиши керак битта бол одам.
Барибир кимлиги, тушунтирамиз
Пизалик Венченцио бўлади оти.
Сизга кафил бўлсин, майли, ваъда қилсин
Оғзига сиққанча молу пул, дунё.
Орзу амалини кўрасиз шунда,
Баптиста қизини беради шаксиз.

Лючено

Манов музикачи гўзал Бъянканинг
 Кузатмагандайди ҳар қадамини,
 Никоҳлаб олардим яшириначаёқ.
 Кейин бутун дунё қарши турса ҳам
 Қўлидан келмасди бузишга буни.

Трано

Буни аста-секин қиласиз, синзор,
 Ишни фойдамизга буриб оламиз.
 Сизга керак экан шу иш, хўжайин,
 Мияси ачиган Гремиони,
 Муғамбир бобомиз Минолани ҳам,
 Шилқум Личиони ҳам роса боплаймиз!

Гремио қайтиб киради.

Гремио

Мактабдан қочардим аввали шундай.

Трано

Келишяптими келин-куёв ҳам?

Гремио

Кўрмаганман асти бунақасини,
 Тўнгликда ўтади Қатаринадан.

Трано

Ундан ҳам ёмонми? Ҳеч бўлмаган гап!

Гремио

Иўқ, ростдан, иблис у, иблисдан баттар!

Трано

У ҳам ундан баттар, шайтоннинг ўзи!

Гремио

Э, қиз бир қўзичоқ унинг олдида,
 Поп уига оҳиста, Катаринани
 Хотинликка қабул қилдингми, деса,
 «Ҳа, дедим бўлди-да!» дея бақириб,
 Шундай чўқинники, қотиб қолди ҳамма,
 Тушириб юборди китобини поп.
 Уни олиш учун эгилганида,
 Шундай дўнг бердики куёв тўрамиз,
 Юмаланиб тушди китоби билан.
 «Қани!— деб бақирди,— борми талабгор
 Бу муҳтарам зотни йиғиб олгани?!

Транио

Келин нима деди, индамадими?

Гремио

Келин титрар эди. У бўлса сўкар,
 Уни алдамоқчи бўлган гўё поп.
 Кейин расм-русм тугаши билан
 Шароб беринг, деди, қадаҳ кўтарди,
 Овози борича бўкирди, худди
 Кемада довулдан сўнгги базмдай.
 Хўкиздай симирди, қолганини эса,
 Хайр бер, дегандай тиржайиб турган
 Бир кўса руҳоний башарасига
 Кўчага сепгандай сепиб юборди.
 Ба кейин келиннинг бўйнидан олиб,
 Чунон шапиллатиб ўпдики уни,
 Қочиб чиқиб кетдим уялганимдан.
 Бошқалар ҳам қочиб чиқиб кетишди,
 Бўлганмас дунёда бундай расво тўй!
 Эшитяпсизми?

Музика
Тагин музика.

Петруччо, Қатарина, Бъянка, Баптиста,
Гортензио, Гремио ва меҳмонлар киришади.

Петруччо

Ташаккур, дўстларим, хизматингизга,
Бошламоқчиидирсиз энди тантана.
Қўриниб турибди, зиёфат қуюқ,
Аммо, минг афсуски, вақтим кўп тифиз,
Ҳозирнинг ўзида жўнашим керак.

Баптиста

Қанақа бўлди бу? Бевақт, кечаси?

Петруччо

Қоронги тушгунча етиб оламан.
Қандай зарурлигин билсангиз эди,
Рози бўлардингиз, қилмай таажжуб.
АЗИЗ жўраларим, ғоят ташаккур!
Қўрдингиз, менинг хўп нозик, саховатли
Хотинимга бўлган муҳаббатимни.
Отам билан тўйни давом эттиринг,
Менинг соғлиғимга кўтаринг, қадаҳ,
Хўш энди, азизлар, жўнашим керак!

Транно

Илтимос, биз билан бир оз ўтиринг.

Петруччо

Вақтим йўқ.

Гремио

Илтимос қиласман, синьор.

Петруччо

Иложим йўқ асти.

Катарина

Мен сўраяпман.

Петруччо

Хурсандман.

Катарина

Биз билан қолишга...

Петруччо

Йўқ, йўқ!

Сўраганингиэга хурсандман. Аммо,
Асти, қололмайман, сўраманг энди.

Катарина

Севги ҳаққи қолинг...

Петруччо

Отлар тайёрми?

Грумийо

Тайёр, тамом бўлди ем-хашаги ҳам.

Катарина

Агар шундай бўлса, билганингни қил,
Урнимдан бир қарич силжитолмайсан.
Йўқ, йўқ, ўзим истаб кетмагунимча,
Бугун ҳам, эрта ҳам шундай бўлади.
Дарвозалар очик, тўрт томон қибла,
Бошинг оққан ёққа кета бер, майли,
Мен бўлсам, шу ерда қоламан, тамом.
Мана, керак бўлса эс-ҳушли күёв,
Яхши кўрсатдилар кимликларини.

Петр уччо

Сабр қил, қўзичам, жаҳлинг чиқмасин.

Катарина

Чиқади. Хўш, шунга чидайдиларми?
Ота, у қолади, ишонаверинг!
Ҳеч қайга кетмайди мендан беизн.

Гремио

Мана, иш бўтқага айланиб кетди!..

Катарина

Столга марҳамат, қани, синъорлар,
Зарба беролмаган қўрқоқ хотинни
Аҳмоқ қилишдан ҳам осон нарса йўқ.

Петр уччо

Айтганингдай, улар ўтиришади,
Илтимос, қайтарманг, келин сўзини.
Утиринг, аиш қилинг ва ўйиаб-кулинг,
Сиққанича ичинг унинг ҳаққига,
Истаганча шўхлик, маишат қилинг,
Агар қилмасангиз, яна таъбингиз!
Ва лекин хотиним кетади бирга,
Депсимиа, олайтма кўзингни, жоним.
Ўзим хўжайнман молу мулкимга,
Ҳаммаси, жонгинам, бир ўзимники:
Ўй-анжом, омбору, рўзгору бари,
От-улов, қўш хўқиз, ҳамма-ҳаммаси —
Мана у бекаси. Ҳеч тега кўрманг,
Кимки, Падуяда тега кўрсами,
Кунини кўради мендан. Грумио,
Бизни шилмоқчилар, қуролингни ол!
Эр бўлсанг чинакам, бекангни сақла!

Қўрқма, Қет, ҳеч кимса тегмайди сенга,
Бас келаман ўзим қанча бўлса ҳам.

Петруччо, Катарина, Грумio чиқib кетишади

Баптиста

Баттар бўлсин, майли, кетиша қолсин.

Гремио

Ичагим узилиб кетаёзди-я.

Транио

Бундай аҳмоқона никоҳ бўлганмас.

Люченцио

Не дейсиз, синьора, бу ҳақда энди?

Бьянка

Нима бўлар эди тентакнинг тўйи.

Гремио

У уни жиловлаб, әгарлаб олди.

Баптиста

Дўстлар, гарчи энди келин ва куёв
Орамизда эмас, ўринлари бўш,
Ва лекин бўш эмас катта дастурхон,
Люценко олсин куёв ўрнини,
Бьянка, Катарина ўрнига ўтири.

Транио

Келин-куёвликка ўрганишгами?

Баптиста

Ҳа-ҳа, Люченцио. Қани марҳамат!

(Кетишади.)

IV ПАРДА**1-САҲНА**

Петруччонинг шаҳар четидаги уйи.
Грумио киради.

Грумио

Тфу, тўнғиз қопсин, ҳаммаси: ўлимтиқ қирчангила-
ри ҳам, бетайин хўжайинлари ҳам, бир-биридан баттар
расво йўллари ҳам, ҳамма-ҳаммаси! Одам боласи ҳеч
вақт шунақа расво бўлганми? Одам боласи ҳеч вақт
шунақа шалаббо бўлганми? Одам боласи ҳеч вақт шу-
нақа азоб чекканми? Олдинроқ бориб, олов ёқиб тур,
эмиси. Узлари бўлса тайёрга айёр бўлиб иссиққина ки-
риб келишади. Ёш, серғайрат бўлмаганимдами, совуқ-
дан лабим тишимга, тилим танглайимга, юрагим ош-
қозонимга ёпишиб, яхлаб, қапишиб қолардим. Аммо ле-
кин, олов ёқиб ўзим ҳам исинаман, албатта. Ахир, буна-
қа ҳавода мендан зўри ҳам шамоллаб қолади. Эй, Кертис!
Кертис киради.

Кертис

Ким у мени чақираётган хирилдоқ.

Гремио

Яхлаб қолдим. Ишонмасанг, елкамга чиқиб яхма-
лак отиб кўр, тўғри шигиллаб сирпаниб кетаверасан.
Олов, азизим Кертис, олов!

Кертис

Хўжамиз хотини билан келяптими, Грумио?

Грумю

Келяпти, Кертис, келяпти, олов ёқ, тезроқ, олов, алжираласдан.

Кертис

Келиннинг ҳақиқатан ҳам қизиққон, қайсарлиги ростми, Грумю?

Грумю

Рост эди, азизим Кертис, рост эди. Шу совуққача. Ахир сен биласан-ку, қаҳратон совуқ нималар қилмайди әркагини ҳам, хотинини ҳам. Хўқизини ҳам мулоийим қилиб қўяди. Ана шунаقا, бу эски хўжайнимизни ҳам, янги бекамизни ҳам тавбасига таянтириб қўйди. У ёрини сўрасанг, менинг ўзимни ҳам, дўстим Кертис.

Кертис

Жўна-жўна, аҳмоқ, пакана, бўйи бир қарич! Мен малаймасман.

Грумю

Иўғ-е, наҳотки бир қарич бўлсан? Лекин сенинг шоҳинг ўзи ўн қарич келади. Ҳар ҳолда мен ундан кам эмасман. Хўш, ўт ёқиш хаёлинг борми ёки бекамнинг муборак овозларини эшиитмоқчимисан? Агар шундай деб ўйласанг, майли, у яқинлашиб қолди, ёришиб турган дилингни хуфтон қилиб қўйиш унга ҳеч гапмас.

Кертис

Илтимос қиласман, муҳтарам Грумю, оламда нима гаплар бор, шулардан гапир.

Грумю

Оламдами? Совуқ, Кертис, сенинг ишингдан бошқа иссиқ иш қолганмас дунёда. Қани, яхвиси, оловингни

ёқ, вазифангни бажар, бўлмаса балога қоласан, хўжайнинг билан беканг шамдай қотиб келяпти.

Кертис

Мана олов ҳам бўлди. Қани, чиқар янги гапларни дўстим Грумио.

Грумио

(ғинғиллаб)

«Эҳ, Жек аҳ, Жек!» Ҳаммаёқ янгилик.

Кертис

Ёмон доғулисан-да, бадбахт!

Грумио

Оловни бозиллат! Совуқ ўтиб кетди ҳаммаёғимдан. Ошпаз қани? Овқат тайёрми, уйлар ийғиштирилганми, поллар тозами, ўргимчак уялари супурилдими? Хизматкорлар янги кўйлакларини, оқ пайпоқларини кийиб, тўй безакларини илишдими? Стаканларнинг ичи, чашкаларнинг орқалари ювилганми? Гиламлар тўшалдими, умуман, ҳамма нарса тайёрми?

Кертис

Ҳаммаси тайёр! Шунинг учун баҳузур гапиравер деяпман-да, янгиликлардан.

Грумио

Хўп майли, биринчидан, менинг отим чарчаб қолди, хўжам бўлса, хотини билан ағдарилиб тушди.

Кертис

Қандай?

Г р у м и о

Эгардан тўппа-тўғри балчиққа, албатта,
Ҳамма гапнинг боши мана шу ерда.

К е р т и с

Бошла, қани, азизим Грумio.

Г р у м и о

Қулоғингни олиб ке.

К е р т и с

Мана қулоғим.

Г р у м и о

(уради)

Мана сенга.

К е р т и с

Ҳа, бу гап — дейдиганмас, ейдиганмиди?

Г р у м и о

Топдинг. Шунинг учун ҳам халқда таъсирли воқеа
деган сўз юради-да. Қулоғинг тагига шақиллатиб ту-
ширганим бу — диққат қилишингни сўраганим. Мана
эшит: биринчидан, биз жуда сирғанчиқ тепаликдан
тушаётган эдик, ундан ташқари, хўжайинимиз бекамиз-
нинг орқаларида әдилар...

К е р т и с

Мингашиб олишганмиди?

Г р у м и о

Сенга нима?

К е р т и с

Менгамас, отга...

Г р у м и о

Бор, бўлмасам, ўзинг гапириб ол у ёғини. Халақит бермаганингда, ҳаммасини эшитардинг, отнинг мункиб кетганини ҳам, беканинг от остида қолганини ҳам, бекамизнинг қандай балчиқقا булғангани борми, уни от тагида қолдириб, хўжайнинг, нега от йиқилади, деб мени ура кетгани борми, бечора келиннинг бизни ажратиш учун балчиқда шалоплаганлари, хўжамизнинг эса, болохонадор сўкишлари, умрида ялинишмас, ҳатто илтимос қилишни ҳам билмаган бекамизнинг унга осилиб ёлваришлари борми, менинг бақиришларим, отларнинг тўрт томонга кишиб қочгани, юганларининг узилгани, айлларини йўқотганлари ва тағин қанчадан-қанча жуда қизиқ гаплар боридики, ҳаммасини эшитолмай дунёдан ўтадиган бўлдинг.

К е р т и с

Бу ҳисобингдан маълум бўладики, қайсарликда бизники ундан ҳам ўтар экан-да.

Г р у м и о

Топдинг, сен ҳам, бошқаларинг ҳам у етиб келиши биланоқ, сезасанлар буни. Э, нима қилиб валдираб ўтирибман. Натаниэлни, Жозефни, Никласни, Филиппни, Уолтерни, Какомкани, ҳаммасини чақир бу ёқقا. Сув пуркаб соchlарини тараҳсин, кўк камзулларини яхшилаб тозалаб кийинишин, пайпоқ боғичларини яхшилаб боғлаб олишсин, келишлари билан чап тиззалирини букиб, хўжамиз ва бекамизнинг қўлларини олиб ўпмагунча, ҳатто отларнинг думларига ҳам тегмасинлар. Ҳўш, тайёр бўлишдими?

Кертис

Тайёр!

Грумио

Чақир, ҳаммаларини.

Кертис

Эй, қаёқдасизлар? Хўжамизни яхшилаб кутиб олинглар, бекамиз олдида юзини ерга қаратиб қўйманглар, тағинн.

Грумио

Беканинг ўзи ердан зўрга турди-ю!

Кертис

Ким билмасакан буни?

Грумио

Сен-да! Унинг олдида хўжайиннинг юзини ерга қаратмаслик учун хизматкорларни йигъяпсан-ку, ахир.

Кертис

Мен уларни бекамизга илтифот кўрсатсилар, деб чақирипман.

Грумио

У сенинг илтифотларингга зормас.

Бир неча хизматкорлар киришади.

Натаниэль

Хуш келибсан, Грумио!

Филипп

Ишлар нечук, Грумио?

Жозеф

Ҳа, Грумио!

Никлас

Дўстим Грумио!

Натаниэль

Аҳволинг қалай, оғайни?

Грумио

Яхшимисан... Ишлар нечук... Ҳа... Бормисан дўстим?.. Бўлди, шунинг ўзи етади бир учрашувга. Энди, хўш, олифта оғайнилар, ҳамма нарса тайёри, ҳаммаси жойидами?

Натаниэль

Тайёр! Нима, хўжамиз яқинлашиб қолдиларми?

Грумио

Оз қолди. Балки, келиб қолишгандир ҳам. Шунинг учун... Нима, жим! Худо урди! Овози келяпти-ку!

Петруччо билан Катарина киради.

Петруччо

Қани у, шалтоқлар, кутадиганлар?
Отни ким ушлайди, ким туширади?
Қани Грегори, Филипп, Натаниэль?

Хизматкорлар

Мана биз, мана биз, мана биз, синъор!

Петруччо

«Мана биз, мана биз, мана биз, синъор!»
Ишёқмас, бетайин, сафсатабозлар!
Қани у, мен олдин юборган ҳайвон?

Г р у м и о

Мана мен, синъорим, эски бетайин.

П е т р у ч ч о

Ҳа, аблаҳ, лапашанг, ялқов, итвачча!
Боғда кутиб олгин бизни, манови
Ишёқмаслар билан, демаганмидим?!

Г р у м и о

Камзули битмабди Натаниэлнинг,
Габриэл бошмоғи тўзиб кетибди.
Питер улгурмади шляпа бўяб,
Уолтер ханжари устада экан.
Адам, Грегори, Ралфгина тайёр,
Қолганлари юпун ва яланг оёқ.
Ҳаммалари чиқди шундай бўлса ҳам.

П е т р у ч ч о

Бўпти, эси пастлар! Дастурхон ёзинг!

Х из м а т к о р л а р кетади.

(Куйлайди)

«Ҷанисиз эй, ўтган кунларим менинг,
Ҷани?..»
Кет, марҳамат, кел, ўтири, қани.
«Эҳ, ҳа-ҳа!»

Х из м а т к о р л а р овқат олиб чиқишиади.

Қўзичам, қўй энди, чиройингни оч.
Эҳ, аблаҳ, қанисан, этигимни торт!

(Куйлайди)

«Бир монах бор экан — художўй банда —
Куцлардан бир куни сафар чиқибди».

Қоч, аблаҳ! Оёқни узволаёздинг,
Ма, сенга!

(*Уни уради.*)

Буни ҳам узвола қолгин!
Сув қани? Жонгинам, қовоғингни оч.
Қани менинг итим— Троил?.. Қани
Фердинанд, азизим— амакиваччам?
Чақир тез. У билан ўпишасан, Кет.
Туфлийим қани, эй, келадими сув?

Хизматкорлар тос билан сув олиб киради.

Ювина қол, қўзим, марҳамат қилиб.

Хизматкор кўзани тушириб юборади.

Э, ялқов, итвачча, нима қилганинг?!

Катарина

Тинчланинг, атайлаб қилмади, ахир.

Петруччо

Итвачча, кўрнамак, бефарқ, бетайин!
Ўтири, Кет, қорнинг ҳам очиқиб кетди.
Ибодат қила қол, ё мен қилайми?
Кўй гўштми?

Хизматкор

Ҳа, ҳа.

Петруччо

Ким келтирди?

Хизматкор

Мен...

Петруччо

Куйиб кетипти·ку. Ҳаммаси куйган.
 Бу нима, қани у муттаҳам ошпаз?
 Хўш, менинг олдимга қайси муттаҳам
 Шундай ифлос овқат тайёрлаб келди?!
 Йўқотинг қошиғу пичогигача!

(Овқатни товоқ·қошиғи билан итқитади.)

Дангаса, танбаллар, бетайин қуллар!
 Тағин олишади. Ҳали шошмай туринг!

Катарина

Эргинам, тинчланинг, сўрайман сиздан,
 Шундай кўрингандир, гўшти ёмонмас.

Петруччо

Кет, жоним, жуда ҳам куйиб кетибди,
 Уни еб бўлмайди. Бундай таомдан
 Ут, сафро йигиб зарданг қайнайди.
 Куйиб кетган овқат егандан кўра
 Бугунча, жонгинам, оч ётган яхши.
 Зардамиз етарли иккимизнинг ҳам.
 Сабр қил, эрталаб бари бўлади,
 Оч ётиб турамиз улфатчиликка.
 Қани, тур, ётоқقا кузатиб қўяй.

Петруччо билан Катарина кетишади.
 Бир неча хизматкорлар қайтиб киришади.

Натаниэль

Хўш Питер, ҳеч бунақасини кўрганмидинг?

Питер

Уз қуроли билан ўзини соляпти·ю, хўжайин.

Кернос киради.

Г р у м и о

У қани?

К е р т и с

Етогида. Сабр ҳақида раҳмон ўқияпти хотинига.
Жанжал қиласыпты, у бўлса шўрлик, нима қиласини
бilmайин ҳайрон.

Гаранг ўтирибди суратдай қотиб,
Тезроқ йўқолайлик, келаяпти у.

Кетишади. П е т р у ч ч о киради.

П е т р у ч ч о

Ҳукмимни, наздимда, яхши бошладим,
Ва шундай бўлади натижаси ҳам.
Лочиним қаттиқ оч, аччиғи ёмон,
Енгилмагунча овқат бермайман,
Ўлжага қарамай қўяди йўқса.
Гаҳ десам, қўлимга қўнади ҳали,
Бунинг ҳам йўли бор: Уйқу бермайман,
Уйқу бермагандек қўлга қўнимаган—
Ёввойи, баджаҳл, ўжар қиргийга!
Бугун оч, ҳеч нарса емайди бу кеч,
Кеча ухламади, бу кеча ҳам шу,
Гўшт бермаганимдай, бу кеча унга
Уйқу ҳам бермайман тўполон қилиб,
Кўрпа-ёстиқларни бошга кўтариб,
Ёстиқ парларини сочиб ташлайман.
Буларнинг боисин, «бу сенинг фақат
Хурматинг учун», деб тушунтираман
Тун бўйи, албатта, ухлаёлмайди,
Тўполон бошлайман мудраши билан.
Мана шу — қайсарни қайтариш йўли.
Бундан ҳам яххиси бўлса мабодо,
Қани сиз кўрсатинг уни, марҳабо!

(Кетади.)

2-САҲНА

Падуя. Баптиста уйи олди.
Транио билан Гортензио киришади.

Транио

Хўш, дўстим, Лично, наҳот Бъянка
Люченциодан ҳам ўзгани севса?
Ёлғиз мени деган эди у фақат!

Гортензио

Ўзингиз кузатинг, ишонмасангиз,
Унинг дарсининг нималигини.

Бъянка билан Люченцио киради.

Люченцио

Дарсдан қалайсиз, биляпсизми?

Бъянка

Синьор, дарслари нимадан ўзи?

Люченцио

Муҳаббат илмини ўргатиш холос.

Бъянка

Яхши биласизми бу илмни сиз?

Люченцио

Сиз мафтун этгандай мени, жонгинам.

Саҳна ичкарисига ўтиб кетишади.

Гортензио

Ром қилиш бунаقا бўлади, дўстим,
Энди ҳам, Бъянка содиқми, дейсиз,
Фақат ёлғиз синьор Люченциога?

Тран и о

Нақадар хиёнат, о, хотин макри!
Бошим ғовлаб кетди, синьор Лично.

Гортензио

Синьор, мен, түғриси, Лично масман,
Машшоқ ҳам эмасман сиз ўйлагандай,
Ортиқча матоҳдир энди ниқоб ҳам.
Афзал деб биламан, ҳаммадан бурун,
Зодагонлигимни. Севгимни бўлса,
Садақа қиласман ўша саёқса
Номим ҳам бошқача — синьор Гортензио.

Тран и о

Синьор Гортензио, сизнинг Бъянкага
Қизгин севгингизни эшигтан эдим.
Бироқ, бугун кўриб ўз кўзим билан
Беқарорлигини, таклиф қиласман:
Бу дардан кечайлик иккаламиз ҳам.

Гортензио

Қаранг, Люченцио ўпишяпти,
Қўлингизни беринг, онт ичаманки,
Бъянка мен айтган қизгин севгига,
Лутфу эсҳонларга арзимайди ҳеч!

Тран и о

Мен ҳам онт ичаман, агар ялинса ҳам
Унга уйланмайман. Қаранг беорни,
Кириб кетяпти бағрига худди.

Гортензио

Бўлди, воз кечамиз, ўшанга бўлсин!
Менга ишқи тушган бир тул хотин бор,
Менинг бу севгимдан уники зўрроқ,

Улгудай бой ўзи. Э, менга нима,
 Уч кунда уйланиб оламан унга.
 Синьор Люченцио, хайр энди, сизга!
 Хотинлар фарқини энди билиб олдим,
 Вафодори керак, чиройлисимас.
 Хайр-хўш, сўзим бир, қасамим қатъий.

(Кетади.)

Транио

(Бъянкага яқинлашиб)

Хўп энди, бахтингиз ёр бўлсин сизга,
 Етдингиз муроди мақсадингизга,
 Ҳийлангизга тушиб кўзим ногаҳон,
 Гортензио билан биз кечдик сиздан.

Бъянка

Иккаловингиз ҳам? Ростми, Транио?

Транио

Рост.

Люченцио

Демак, Лично хавфи йўқолди.

Транио

Бир бева хотин бор, қувноқ, ўшанга
 Бугуноқ уйланиб оламан, деди.

Бъянка

Тангри ёрлақасин!

Транио

Тийиб олади,

Бъянка
Эҳтимол.

Транио
Ахир, бу мактабни ўтди.

Бъянка
Транио, билмадим, қанақа мактаб?

Транио
Петруччо мактаби! Ахир, у қайсар
Хотинларни қандай тийиб олишнинг
Етмиш хил йўлини билади ўзи

Бъондэлло киради.

Бъондэлло
Синьорим, синьорим, итдай чарчадим
Уни пойтайвериб. Охири топдим,
Қирдан тушиб келди нуроний бир чол,
У тўғри келади.

Транио
Ким экан ўзи?

Бъондэлло
Муаллимми ёки савдогармикин,
Ўзим ҳам билмайман. Лекин ҳар нечук
Ухшатса бўлади падарингизга.

Люченцио
Сенинг фикринг қалай, хўш, Транио?

Транио
Үйлаган гапимга ишонса бўлди,
Жон деб Винченцио бўлади, синьор,
Асл отангиздек бўлиб, албатта,

Қафолат беради Баптистага ҳам.
Энди боринг, синьор, ёрингиз билан.

Люченцио билан Бъянка кетади, сайд ҳ
муаллим киради.

Муаллим

Тангри ёрлақасин, синьор!

Транцио

Сизни ҳам!
Анча бўласизми бу ерда, синьор?

Муаллим

Бир ҳафта, кўп турсам, икки ҳафтача,
Кейин яна сафар. Худо хоҳласа,
Римга, ундан кейин Триполига.

Транцио

Қаердан, дедингиз?

Муаллим

Мантуяданман.

Транцио

Мантуядан, синьор? Худо сақласин!
Қасдингиз бормиди ўз жонингизда?

Муаллим

Нима дедингиз? Тушунолмадим.

Транцио

Мантуялик бунда ўлимга маҳкум,
Кемангиз тутилган Венецияда.
Ўзаро урушган герцогларимиз,

Бу эълон қилинди ҳаммага бутун.
Агар бир оз олдин келганингизда,
Ўзингиз эшитган бўлар әдингиз.

Муаллим

Наҳотки, ажалим шу ерда бўлса!
Флоренциядан векселларимни
Ола келган эдим, керак бўлар деб.

Транио

Қандай ёрдам берсам бўларкин сизга...
Хўш, бундай қиласиз: айтинг-чи менга,
Мабодо Пизада ҳеч бўлганмисиз?

Муаллим

Бўлганман, у ернинг одамларидан
Кўпини танийман, не эди, синьор?

Транио

Унда, биласизми Винченциони?

Муаллим

Билмайман ва лекин эшитганим бор,
Ундан ўтар бойи йўқ, дейишарди.

Транио

Ҳа, синьор, у менинг отам бўлади,
Сиз унга жуда ҳам ўхшаб кетасиз.

Бонделло

(Четга)

Ҳа, ҳа, мис қозонга худди лой тувоқ!

Т р а н и о

Сизни фалокатдан қутқариш' учун
 Майли, ёрдам берай падарим ҳаққи.
 Сизнинг унга жуда ўхшашлигингиз
 Ишимизни анча енгиллатади.
 Олинг унинг номи ва маблагини,
 Отам бўлиб киринг менинг уйимга.
 Яхши ўйнанг ролни, эҳтиёт бўлинг,
 Ишингиз битгунча менинг уйимда
 Мен билан турасиз, тушунарлами?
 Маъқулми сизга бу — менинг тадбирим?

М у а л ли м

Албатта, азизим, бир умр сизга
 Қарздорман, эрким ва ҳаётим учун.

Т р а н и о

Эпга келтирамиз барини, юринг,
 Айтгандай, мен сизга билдириб қўяй,
 Мен бунда бир қизга уйланаяпман.
 Аниқламоқ учун келин маҳрини
 Отамнинг келиши эҳтимоли бор.
 Гаплашиб олайлик нима қилишни,
 Юринг, ҳали сизга кийиниш керак.

(Кетишади.)

3-САҲНА

Петруччо уйида бир хона.
 Катарина билан Грумно киради.

Г р у м и о

Йўқ, йўқ, онт ичаман, асти бўлмайди.

К а т а р и на

Тинкам қурияпти қутурган сари,
 Очдан ўлдиришга уйландими у?

Хақ деб келганида гадо ҳам ҳатто
Биэда олар эди садақасини.
Тушганим йўқ-ку мен бу кўргиликка,
Нима кераги бор! Ахир мен очман,
Уйқу босяпти бунинг устига.
На овқат беради, на уйқу менга.
Ухласам, ё таом есам мабодо
Касалга чалиниб ўлар эмишман.
Ишонтирас ишқин солиб ўртага,
Аlam қиладиган жойи мана шу!
Грумио, бўл энди, бирон нарса топ,
Ейдиган бўлса бас, нима бўлса ҳам.

Г р у м и о

Бузоқнинг оёғи бўлса, майлими?

Қ а т а р и н а

Жуда соз, олиб кел уни тез, югур!

Г р у м и о

Лекин, у жигарга таъсир қиласмиш,
Еғлиқ ичак-чавоқ яхши эмасми?

Қ а т а р и н а

Олиб кел, уни мен яхши кўраман.

Г р у м и о

Айтгандай, синьора, бу ҳам заарли,
Мол гўшти бўлса-чи, аччиқ, сермурч?

Қ а т а р и н а

О, менинг у жуда тансиқ овқатим.

Г р у м и о

Зўрайтирмасмиқин аччиғингизни?..

К а т а р и н а

Майли, бемурч ҳам бўлаверади.

Г р у м и о

Йўқ, энди кетмайди бунақа гаплар,
Мол гўшти бўлмайди мурч бўлмаса.

К а т а р и н а

Майли, бирга келтир, ёки, ўзини,

Г р у м и о

Ҳа, майли, мурчининг ўзини фақат!

К а т а р и н а

Тур, жўна, ғаламис, муттаҳам малай!
Мени рўйхат билан боқмоқчимисан?
Нима, мен сенларга мазах бўлдимми?
Қабиҳ тўданг билан қора ерга кир.
Жўна, жўна энди, кўзимдан йўқол!

П е т р у ч ч о лаган кўтариб киради. Орқасидан
Г о р т е н з и о киради.

П е т р у ч ч о

Хўш, қани жонгинам, нега ғамгинсан?

Г о р т е н з и о

Қайфингиз?..

К а т а р и н а

Сўраманг, бўлганча бўлдим.

П е т р у ч ч о

Тетик бўл, жонгинам, кўнглингни чорг қил,
Қарагин, фариштам, қандай ғамхўрман:
Сен учун бир овқат пиширдим ўзим,
Еқади сенга у, имоним комил.

(Столга қўяди таомни.)

Нега индамайсан? Ёқмадими у?
Шунча меҳнатларим зое бўлдими?
Эй, олиб кетинглар!

Катарина
Йўқ, йўқ, тегмасин.

Петруччо
Қани миннатдорлик шунча меҳнатга?
Лоақал раҳмат де, ейиш олдидан.

Катарина
Раҳмат сизга, синьор.

Гортензио
Синьор Петруччо!
Қандай бераҳмсан, уят эмасми?
Қани ўтирайлик, келинг, синьора.

Петруччо
(Гортензионинг қулоғига.)

Қалин дўстим бўлсанг, унга қолдирма.

(Қаттиқ)
Ол, энди, очиқдинг, ош бўлсин, жоним,
Бўла қол, қайтамиз отангникига,
У ерда ўйнаймиз тўйгунимизча.
Бисотингни, жоним, кўриб қўйишишин,
Маржон, билагузук, либосларингни,
Тўру ленталаринг, зебу зийнатинг,
Еллигичингни ҳам, шляпангни ҳам
Бир кўриб қўйишишин улар, жонгинам,
Ҳаммасини, майдо-чўйдасигача.

Бўлдингми? Қутмоқда машиначилар,
Сенга хуш либослар тикмоқчи улар.

М а ш и н а ч и киради.

Қани, машиначи, кўрсат молингни,
Олиб кел.

А т т о р киради.

Қанақа янгиликлар бор?

А т т о р

Қалпоқча буюрган эдингиз, сударь.

П е т р у ч ч о

Нима бу, тувакда дазмолладингми?
Қандай расво нарса! Духоба товоқ!
Фи, фи, фи! Бу ахир келишмаган гап!
Чиганоқ, ёинки ёнғоқ пўчоги,
Болалар қалпоғи ёки ўйинчоқ,
Кўтар! Бор! Қаттароқ қилиб тикиб кел!

К а т а р и н а

Қаттаси керакмас. Ҳозир шу мода.
Яхши хонимларнинг ҳаммасида шу.

П е т р у ч ч о

Аввал яхши бўлгин, кейин оласан.

Г о р т е н з и о

(четга)

Олиб бўпти ундан яқин ўртада.

К а т а р и н а

Менинг ҳам ҳаққим бор сўзлашга, синьор,
Барини айтаман: Мен боламасман,

Яхшироқ одамлар тинглаган мени.
 Еқмаса, беркитинг қулогингизни.
 Юракни сиққандан кўра, бир йўла
 Тилга келганини гапирган яхши.

Петруччо

Гапинг жуда тўғри, ярамас қалпоқ!
 Ипакдан ясалган товоқнинг ўзи.
 Еқмаганлигидан сенга ҳам бунинг,
 Меҳрим сенга тағин товланиб кетди.

Катарина

Хоҳи сев, хоҳ севма, кияман уни,
 Менга ярашади, шунинг ўзи бас.

Аттор кетади.

Петруччо

Қани, машиначи, кўрсат кўйлакни,
 Е тангрим! Нима бу, маскарадгами?
 Бу нима? Енгими? Тўпнинг оғзи-ку!
 Ҳамма ёғи қийик, кемтиқ, буришган!
 Сартарошхонанинг кулдоними бу!
 Е тавба! Бу ўзи қанақа нарса?

Гортензио

(Четга)

Кўйлак ҳам, қалпоқ ҳам кийиб бўпти у!

Машиначи

Чиройли тикинг ва сўнгги модага
 Мувофиқ бўлсин, деб айтган эдингиз.

Петруччо

Ҳа, тўғри. Лекин мен айтмаган эдим
 Қейинги модада бузиб тикинг, деб.

Бор, жўна, ўзинг кий кўйлагингни ҳам,
Кўрарман менингсиз кун кўрганингни.
Кўтар кўйлагингни! Билганингни қил.

Қатарина

Бундан ҳам чиройли бўларми кўйлак,
Мақтога муносиб, нозик тикилган.
Хўш, мени қўриқчи қилмоқчимисиз?

Петруччо

Ҳа, шундай қилмоқчи у бадбаҳт сени.

Машиначи

Синьора менгамас, сизга деяпти.

Петруччо

Аҳ, безбет! Елғончи, писмиқ, пакана!
Ангишвонача ҳам келмайди бўйинг!
Бургасан, қандала, мана кимсан сан!
Менга кўтардингми қўлингни, ғалтак,
Эҳ, лахтак, увада! Ямоқ! Кет, йўқол!
Бўлмаса, шундайин дазмоллайманки,
Умрбод ёдингдан чиқиб кетар баҳс!
Мен деяпман уни бузиб қўйгансан!

Машиначи

Йўқ, сударь, янглишманг, кўйлак тикилган
Бекамизга лойиқ, айтганингиздай,
Грумио айтди шундай тикинг, деб.

Грумио

Мол бердим, буйруқмас сизга, оғайнни.

Машиначи

Қандай тик дедингиз, ўзингиз айтинг?

Г р у м и о

Е тавба! Игна, ип билан, албатта!

М а ш и н а ч и

Ахир, бичимини айтмадингизми?

Г р у м и о

Қўйлакка зар, уқа таққанмисан ҳеч?

М а ш и н а ч и

Бўлмасам-чи.

Г р у м и о

Менга эса аҳмоқликни тақолмайсан. Қанча костюм чиқкан қўлингдан? Менинг қўлимдан эса, чиқиб кетолмайсан. Ана шунаقا, оғайнини, аҳмоқ ҳам қилолмайсан, чиқиб ҳам кетолмайсан. Мана гап қанақа бўлган: хўжайнингга мен, кўйлак бичсин, деганман, бурдалаб берсин, деган эмасман. Кўзимга қараб туриб ёлғон тапирияпсан-а!

М а ш и н а ч и

Мана фасони тўғрисида хат, унда ҳаммаси ёзилган.

П е т р у ч ч о

Ўқи!

Г р у м и о

Агар унда мени шунақа деди дейилган бўлса, хат бекор айтибди.

М а ш и н а ч и

(ўқиайди)

«Биринчидан, кенгроқ бўлсин».

Г р у м и о

Хўжам, агар мен қачон «кенгроқ бўлсин» деган бўлсам, майли, мени ўша кўйлакнинг этагига борлаб пишиқ ип билан ўлгунча уринг.

П е т р у ч ч о

Давом эт!

М а ш и н а ч и

(ўқииди)

«Еқаси жимжима бурмалик бўлсин».

Г р у м и о

Еқасини бўйнимга оламан.

М а ш и н а ч и

(ўқииди)

«Кўпчик енг».

Г р у м и о

Тўғри, ҳатто иккала енги ҳам...

М а ш и н а ч и

(ўқииди)

«Чиройли қийилган».

П е т р у ч ч о

Мана буниси расво.

Г р у м и о

Буниси хато ёзилган, синьор, хато ёзилиб қолган. Мен ўзим тайинлаб айтганман, аввал қийгин, кейин қайталаб тикарсан, деганман. Мен ҳали сенга кўрсатиб қўяман, қўлларингга ангишвона қоплаб олган бўлсанг ҳам.

М а ш и на ч и

Нимаки деган бўлсам, сударь, ҳаммаси тўғри. Бош қа бирон ерда учрашганингда, кунингни кўрсатиб қўярдим.

Г р у м и о

Мен ҳозир ҳам тайёрман. Хатинг ўзингга-ю, менга ўша газингни бер, кейин, майли, аяма мени.

Г о р т е н з и о

Худо ҳаққи, Грумио! Кучлар унда тенг бўлмайди-ку?

П е т р у ч ч о

Қисқаси, бу менга тўғри келмайди.

Г р у м и о

Тўғри гап, хонимга тўғри келади.

П е т р у ч ч о

Хўжайнинг кийсин буни, кўтар, бор!

Г р у м и о

Аблаҳ, агар жонингдан умидинг бўлса, бекамнин кўйлагини кўтариб бориб ўтирма хўжайнингга.

П е т р у ч ч о

Бу гапнинг маъниси не бўлса экан?

Г р у м и о

Аҳ, синьор, гапнинг маъниси сиз ўйлагандан кўра қалтисроқ. Хўжайнин олдида бекамнинг кўйлакларини кўтариб юриш... Фи, уят, номус, шармандалик!

П е т р у ч ч о

(Гортензиога секин)

Айт унга, тўлайман ҳамма ҳақини.

(Машиначига)

Йиғиштири, деяпман! Қани, жўнаб қол!

Гортензио

(Машиначига секин)

Эртага ҳаммасин ўзим тўлайман,
Боравер, қарама койишларига,
Салом айт ҳурматли хўжайнингга.

Машиначи чиқиб кетади.

Петруччо

Не ҳам қилардик, Кет, отамизникига
Оддий шу кўйлакда жўнаймиз энди.
Либос бўлмаса ҳам ҳамёнлар тўлиқ,
Инсоннинг чиройи кўйлакда эмас.
Баланд бўлганидай булутдан қуёш
Бундай лиbosда ҳам баланддир қадр.
Тўргай беданадан қанотигина
Гўзал бўлганидан яхши эканми?
Е афзал деймизми чипорлигига
Заҳарли илондан сув илонини?
Ишон, Кет, хонаки оддий кўйлакда
Хунук кўринмайсан ҳеч қачон сен ҳам.
Уялсанг ҳаммасин тўнкайвер менга.
Очилсанг-чи, ахир, жўнаймиз ҳозир
Отангнинг хурсандлик зиёфатига.
Чақир хизматкорни, шошилиш керак,
Катта хиёбонда отлар тахт бўлсин,
Жўнаймиз сен билан ўша томондан.
Еттига яқинлаб қолгандир соат,
Нақ овқат вақтига етиб борамиз.

Катарина

Еттиси нимаси, иккининг ўзи,
Кечки овқатга ҳам ета олмаймиз.

Петруччо

Еттининг ўзида бораман, тамом,
Ҳамма вақт мен билан баҳлашасан,
Не қилсан, нима деб, нима гапирсан.
Отларни бұшатинг! Бұгун бормаймиз!
Агар бормоқ бўлиб қолсанг мабодо,
Соат кўрсатади айтган вақтимни.

Гортензио

Йўлга солмоқ бўлар қуёшни ҳали.

(Кетади.)

4-САҲНА

Падуя. Баптистанинг эшиги. Транио билан муаллим
киради. Муаллим Винченцио бўлиб кийинган.

Транио

Мана шу. Хўш, нима, қоқаверайми?

Муаллим

Албатта. Эҳтимол синьор Баптиста
Эсларлар: агарда хато қилмасам,
Иигирма йил бурун Генуянинг «Легас»
Меҳмонхонасида кўришган эдик.

Транио

Жуда соз. Лекин, сиз отамга ўхшаб
Ўзингизни тутинг бообрў, сипо.
Ҳеч қўрқманг.

Бъондэлло киради,

М у а л ли м

Ҳа, мана хизматкорингиз,
Таъкидлаб қўйсангиз яхши бўларди.

Т р а н и о

Кўнглингиз тинч бўлсинн. Хўш, Бъонделло,
Эҳтиёт бўласан, маслаҳатим шу:
Унутма, қаршингда синьор Винченцио.

Бъонделло

Биламан, хотиржам бўлингиз бундан.

Т р а н и о

Синьорга айтдингми менинг сўзимни?

Бъонделло

Айтдим Баптистага, Венециядан
Бугуң отангизнинг келаётганик.

Т р а н и о

Офарин! Мана, ол, соғлиғимга ич!
Баптиста келяпти! Дадилроқ, синьор!
Баптиста билан Люченцио киради.

Ҳа, синьор Баптиста, ғоят хурсандман.
Сизга айтган эдим, мана у синьор.
Илтимос қиласман қайнатам бўлинг,
Қизингизни беринг, йўқ, деманг энди.

М у а л ли м

Ўғлим, сабр қилинг.
Мен, синьор Баптиста, Падуядаги
Қарзларни ундиromoқ учун келувдим.
Ўғлим Люченцио гапириб қолди,
Севишиб қолганин қизингиз билан.

Сизни билганимдан орқаворотдан,
 Бир-бирини яхши кўргани учун,
 Болажон бир ота бўлганим учун,
 Қийнаб ўтирмаин ўғлимни, синьор,
 Улар никоҳига розилик бердим.
 Бордию розилик берсангиз сиз ҳам,
 Хоҳлаганингизча бўлур қиз маҳри.
 Бунга мен тайёрман, мана кўрасиз,
 Сиз, синьор, ҳурматга лойиқ одамсиз,
 Ортиқча гапларнинг кераклиги йўқ.

Б а п т и с т а

Синьор, гапларимни кечирадилар,
 Менга маъқул тушди очиқ гаплари.
 Тўғри гап, бир-бирин севади қаттиқ
 Менинг қизим билан сизнинг ўғлингиз.
 Анчайин бўлмаса бу гап, албатта.
 Агар, оталарга муносиб, сўёзсиз
 Бош қўшар экансиз бу ишга дадил,
 Мабодо Бъянка аниқ билсаки,
 Етарли берсангиз келин маҳрини,
 Иш битди, марҳамат, тўйга ижозат,
 Келинликка бердим қизимни сизга.

Т р а н и о

Ташаккур, яхшилар, қаер қулайроқ
 Мажбуриятларни гаплашиб олиб,
 Ўзаро битимга келишмоқ учун?

Б а п т и с т а

Меники қулаймас. Биласиз ўғлим,
 Деворнинг қулоғи бўлади, бу рост.
 Қарол кўп, Гремио қулоғи сизда.
 Ҳамма вақт халақит бериши мумкин.

Т р а н и о

Унда меникига марҳамат қилинг,
 Отам ҳам шу ерда, ҳамма ишимиз
 Бугуноқ битади тинч, осойишта.
 Тезроқ Камбиони юборинг қизга,
 Мен олиб келаман нотариусни,
 Афсуски, яхшироқ зиёфат учун
 Вақтимиз жуда кам, синьор Баптиста.

Б а п т и с т а

Офарин!.. Қамбию, югур уйга, тез!
 Тайёр бўлиб турсин қизим, бориб айт.
 Бундаги гапларни айтиб бер, майли,
 Келди, де, Люченцио отаси бугун.
 Ҳал бўлди, деб айтгин никоҳларнингиз.

Б ъ о н д е л л о

Эй худо, айтгани келсин илойим.

Т р а н и о

Югур тез, эси паст, худойингни қўй!

Б ъ о н д е л л о кетади.

Борайлик бўлмаса, синьор Баптиста,
 Афсуски, биргина таом бор холос.
 Пизада чиқади булар ҳиссаси.

Б а п т и с т а

Борайлик бўлмасам.

Т р а н и о, м у а л л и м в а Б а п т и с т а
 кетишади.

Б ъ о н д е л л о қайтиб келади.

Бъонделло

Хўш, Қамбио?

Люченцио

Не дейсан, нима Бъонделло?

Бъонделло

Транио имосин англадингизми?

Люченцио

Хўш, нима демоқчи бўлди Транио?

Бъонделло

Ҳеч нарса. Лекин у мени ўзининг имо-ишоралари мағзини сизга чақиб бериш учун қолдириб кетди.

Люченцио

Хўш, қани, чақиб бер.

Бъонделло

Масала бундай. Баптистанинг хавфи йўқ, у ҳозир ёлғон ўғлининг ёлғон отаси билан гапиришяпти.

Люченцио

Хўш, нима бўпти?

Бъонделло

Сиз унинг қизини кечки овқатга олиб келишингиз керак.

Люченцио

Кейин-чи?

Бъонделло

Авлиё Лук черковидаги кекса поп сизнинг хизматингизга ҳамиша тайёр.

Люченио

Бундан нима чиқади?

Бъонделло

Билмадим. Лекин, улар у ерда сохта қоғозлар билан шуғулланиб бўлгунча, сиз ҳақиқий иш билан шуғулланинг, қонуний қоғозга ўтказиб олинг уни. Черковга югуринг, бирон поп билан бир неча тўғри, ҳалол гувоҳ топинг.

Шундай қилмасангиз чаққон ва илдам,
Ишонинг, Бъянка кетади қўлдан.

Люченио

Шошма, Бъонделло...

Бъонделло

Вақтим йўқ. Мен бир қизни биламан, азизим, у қуёнларига кашнич олиб келаман, деб қоқ тушда полизга чиқкан-да, ҳаш-паш дегунча никоҳдан ўтиб олган. Сизлар ҳам шундай қилиб олсаларинг бўлади. Хўп, хайр, синьор, хўжам авлиё Лук черковига югур, сизнинг жуфтти ҳалолингиз билан бирга боришларингизга, поп тайёр бўлиб турсин, деб буюрди.

(Кетади.)

Люченио

Истайман ва лекин розимикин у?
Йўқ, йўқ, у розидир, чекил эй, гумон.
Нима бўлса бўлди, бораман, ғап шу,
Минг лаънат, қайтмасам агар ёима-ён.

(Кетади.)

5-САҲНА

Серқатнов йўл
Петруччо, Катарина, Гортензио
ва хизматкорлар келишади.

Петруччо

Илдамроқ, отамиз кутиб қолдилар,
Е раббий, ой бугун бунча ҳам ёруғ!

Катарина

Нима, ой? Офтоб-ку, тунга ҳали, бор.

Петруччо

Йўқ, у ой — ёп-ёруғ нур сочаётган.

Катарина

Пўқ, қуёш — ёп-ёруғ нур сочаётган.

Петруччо

Қасамёд қиласман, онамнинг ўғли,
Яъни, хўш, ўзимнинг ҳаққимга шуки,
Менга нур сочади истаган нарсам.
Ой, юлдуз, бўлмасам бормайман, гап шу!
Эй, отни қайтаринг! Унга нуқул баҳс,
Нуқул баҳс, нуқул баҳс, баҳс бўлса бас!

Гортензио

(Катаринага)

Олишманг, бўлмаса йўлда қоламиз.

Катарина

Илтимос қиласман, қайтарманг, майли,
Айтганингиз бўлсин, хўп — қуёш, хўп — ой.
Менга деса уни шағам деб атанг,
Мен ҳам шундай дейман сизга қўшилиб.

Петруччо

Ой, дедим, ой.

Катарина

Ха, ха, ха, албатта ой!

Петруччо

Тагиң алдаяңсан, қүёш-ку ахыр.

Катарина

Ха-я, у қүёш-ку, қандай роҳатбажш!
Қүёшмас десангиз қүёшмас, тамом.
Ойдан фарқингиз йўқ ўзгаришда ҳам.
Нима деб айтсангиз ўша бўлади,
Ва шундай ҳамиша Қатаринага.

Гортензио

Муборак, Петруччо, ғалаба қилдинг!

• Петруччо

Илдамроқ, илдамроқ! Шар ўзи зотан,
Ўргамас, пастликка юмалаши шарт!
Шошманг-чи! Келмоқда биз томон бирор.

Винченцио киради.

Петруччо

Ассалом, синьора, йўл бўлсин сизга!
Қара, Қет, бу қизни, жуда ҳам гўзал,
Соҳибжамол экан, шундай эмасми?
Юзини оқи оқ, қизили қизил!
Мана шу кўзлардай юлдузлар, жоним,
Осмонни ёритиб туради доим.
Нақадар чиройли, ниҳол қиёфа!

Синьора, ҳасанот қадамларига!
Кет, қани бориб ўп гўзал санамни.

Г о р т е н з и о

Ути ёрилади чолнинг ҳазилдан.

Қ а т а р и н а

Еш, гўзал санамга саломлар бўлсин!
Йўл бўлсин, қаерда кулбаи хонанг?
Қандай баҳтли экан шундай санамнинг
Ота-оналари! Қайси баҳтиёр,
Қайси мурувватли юлдуз амри билан
Сени атар экан хотиним дея?!

П е т р у ч ч о

Ҳушиңг ўзингдами, нима деяпсан?
Ахир бу эркак-ку, чуриган чол-ку,
Ақлингни йиғ ахир, қизинг нимаси!

Қ а т а р и н а

Ҳурматли отахон, кечир хатрим:
Кўзларим қуёшда қамашганидан
Зўрға кўряпман ҳамма нарсани.
Нуроний, мўйсафид экансан, кечир —
Мендан ўтганини, энди пайқадим.

П е т р у ч ч о

Узрин қабул қил, йўл бўлсин, синьор?
Эҳтимол, йўлимиз биргадир балки,
Агар шундай эса, ҳамроҳимиз бўл.

В и н ч е н ц и о

Синьор, шўх экансиз, сиз ҳам синьора,
Лутфи эҳсон билан қилдингиз ҳайрон.
Отим Винченцио. Пиза шаҳридан,

Ўғлимни кўргани келаётирман,
Анча бўлди уни кўрмаганимга.

Петруччо

Оти нима, синъор?

Винченцио

Люченцио, синъор.

Петруччо

Тасодифни қаранг, худди вақтида!
Энди ота, десак, бўлади сизни.
Ҳаддимиз бор бунга: ҳозир ўғлингиэнинг,
Менинг хотинимнинг эгачисига
Никоҳи ўқилган бўлса эҳтимол.
Асти ҳайрон бўлманг, хафа ҳам бўлманг,
Келинингиз ғоят баодоб, камгап,
Баобрў, бадавлат оила қизи.
Барча эътиборли синъорларнинг
Хотинлари каби илмли, доно.
Қани бир қучоқлай, синъор Винченцио,
Ўғлингиз олдига жўнаймиз бирга,
Сизни кўриб боши кўкка етади.

Винченцио

Ростданми ва ёки ҳазилми бу ҳам?
Одатда йўловчи тўқнаш келганда,
Тегишмай ўтмайди бири бирига.

Гортензио

Йўқ, йўқ, йўқ, отахон, ҳаммаси тўғри.

Петруччо

Ҳа, кетдик, ўзингиз бориб кўрасиз,
Ишонмай турибсиз ҳазилдан кейин.

Гортензиодан ўзга ҳамма кетади.

Гортензио

Петруччо, оғайни, кўзимни очдинг,
Кеккайиб кетмоқда бизнинг бева ҳам,
Энди мен оламан қолган жойидан.

Кетади.

У ПАРДА

I-САҲНА

Падуй. Люченционинг уйи олди. Аввал Гремио кириб саҳна ичкарисига ўтади, кейин Бъонделло, Люченцио ва Бъянка киришади.

Бъонделло

Аста, лекин тезроқ бўлинг, синзор, пои кутиб қолди.

Люченцио

Учганим бўлсин, Бъонделло! Сен, ахир, уйда уларга керак бўлиб қолишинг мумкин, сен боравер.

Бъонделло

Йўқ, синзор, мен аввал сизларни черковгача кўзатиб қўяман-да, ана ундан кейин оёғимни қўлимга олиб югурамай келинникига.

Люченцио, Бъянка ва Бъонделло чиқишади.

Гремио

Қизиқ! Бу Қамбио ҳалигача йўқ.

Петруччо, Катарина, Винченцио, Гремио ва хизматкорлар киришади.

Петруччо

Мана уйи, мана эшиги Люченционинг,
Қайнатамники бозор олдида,
Кечиринг, мен энди боришим керак.

Винченцио

Йўқ, йўқ, сабр қилинг, уйга кирамиз,
Озгина майхўрлик қиласиз, ҳали.
Зиёфатга у-бу топилса керак.

(Эшикни қоқади.)

Гремио

Улар машшатда, қаттиқроқ уринг.
Муаллим деразадан бошини чиқаради.

Муаллим

Ким у, эшикни бузгудай ураётган?

Винченцио

Синьор Люченцио уйдами, синьор?

Муаллим

У уйда, синьор. Лекин ҳозир унинг сиз билан гаплашибишга вақти йўқ.

Винченцио

Агар, борди-ю, мен унинг машнатига ҳамён тўла пул билан келган бўлсам-чи?

Муаллим

Ҳамёнлари ўзларига буюрсин, ҳали менинг кўзимтирик экан, у ҳеч қачон ҳеч нарсага муҳтож бўлмайди.

Петруччо

Мана айтмадимми сизга, Падуяда ўғлингизнинг ҳурмати баланд деб. Менга қаранг, синьор, ҳазилни қўйинг. Барака топкур, синьор Люченциога айтинг, бу киши Люченционинг отаси, ҳозиргина Пизадан келди, сенга қараб турибди эшигингда, денг.

Муаллим

Кўп валдирама. Унинг отаси Пизадан аллақачон келган, у сизга деразадан бақрайиб турибди.

Винченцио

Ҳали сен отасимисан?

Муаллим

Ҳа, синъор. Онаси ҳам буни тасдиқлайди, агар унга ишонсалар.

Петруччо

(Винченциога)

Бу ёғи неча пулдан тушди, синъор? Лекин дунёда бирорларнинг номини ўғирлаб юришдан ёмон фирибгарлик йўқ.

Муаллим

Ушланг у абраҳими. У, балки, мен бўлиб бирорни чув туширмоқчи бўлиб юргандир.

Бъондэлло қайтиб келади.

Бъондэлло

Уларни черковга қўйиб келдим. Кўшақаришсий. Бу тағин ким бўлди? Менинг кекса хўжайиним Винченцио-ку? Энди шўримиз қуриди, тамом бўлдик.

Винченцио

(Бъондэллони таниб)

Қани-қани, берироқ кел, қароқчи!

Бъондэлло

Оғизларига қараб гапирсинглар, синъор.

Винченцио

Бу ёққа кел деяпман, аblaҳ! Нима, мени эсингдан чиқардингми?

Бъондeлло

Эсимдан? Иўқ, синъор. Мен сизни ахир қандай эсимдан чиқарайки, умримда бир марта ҳам кўрмаган бўлсам.

Винченцио

Бу тарин қанақаси бўлди, ярамас ,аблаҳ! Винченциони умрингда ҳеч кўрмаганмисан? Уз хўжангнинг отасини-я!

Бъондeлло

Менинг ҳурматли, кекса хўжамними? Бўлмасам-чи, синъор, албатта кўрганман. Мана у киши ахир, деразадан қараб турибдилар.

Винченцио

Ҳали шунақами?

(*Уни уради.*)

Бъондeлло

Ёрдам беринг, ёрдам беринг, ёрдам беринг! Дод, бир жинни мени ўлдирмоқчи. (*Қочади.*)

Муаллим

Бу ёққа чиқ, ўғлим ёрдам қилинг, синъор Баптиста!

(*Деразадан узоқлашади.*)

Петруччо

Четроққа чиқайлик, Кет. Нима билан тамом бўлар экаи бу гавғо? (*Четга олишади ўзларини.*)

Муаллим, Транио, Баптиста ва хизматкорлар чиқадилар кўчага.

Транио

Сиз ким бўласиз, синъор, нима учун менинг хизматкоримга қўл кўтардингиз?

Винченцио

Мен ким бўламан? Йўқ, сиз ким бўласиз, синъор? О, умри боқий тангрилар! Доғули! Ипак либослар! Духоба иштон! Қизил плашч! Тик қалпоқ! О, мени худо урибди! Хонавайрон бўлибман! Мен у ёқда хўжалигимиз ҳақида жон куйдирсаму, ўғлим билан хизматкорларим ўқиш деб бу ёқларда ҳаммасини совуриб юрса.

Транио

Нима-нима? Нима дейди?

Баптиста

Ақлдан озганми, шўрлик?

Транио

Синъор, кўринишдан анчагина эътиборли мўйсафидга ўхшайсизу, аммо гапингиз ақлдан озганларникига ўхшайди. Бўлмасам, менинг олтин, кумуш, марваридларга ўралиб юришим билан нима ишингиз бор? Дадамнинг даргоҳи кенг экан, нима қилсанам, шуни қиласман.

Винченцио

Дадамнинг даргоҳи?! Вой, муттаҳам-е! Сенинг отанг Бергамо шаҳрида елкан ясад юрибди.

Баптиста

Сиз адашяпсиз, синъор, адашяпсиз. Хўш, бўлмаса, номи нимади, унинг сизнингча?

Винченцио

Унинг номи! Унинг номини билмаслигим ҳам бормиди ҳали. Уч ёшидан бери менинг уйимда у. Унинг номи — Транио.

Муаллим

Йўқол, йўқол бу ердан, эшшак мия! Унинг номи Люченцио. У менинг яккаю ягона ўғлим, менинг, яъни синъор Винченционинг бутун ери сувига ёлғиз меросхўр!

Винченцио

Люченцио! Демак, у ўз хўжайинини ўлдирибди! Ушланг уни! Герцог номи билан буюраман, ушланг уни! Оҳ, фарзандгинам, яккаю ягона фарзандим! Менинг Люченциом қани, жавоб бер, аплаҳ!

Транио

Соқчиларни чақиринг бу ёққа!

Соқчилар кирншади.

Манави тентакни авахтага жўнатинг. Падари бузрукворим Баптиста, илтимос қиласман сиздан, буйруғимнинг адо этилишидан боҳабар бўлинг.

Винченцио

Мени авахтага?

Гремио

Тұхтанг, соқчилар! У авахтага бормайди!

Баптиста

Үзларини босиб олсингилар, синьор Гремио. У авахтага боради. Буни мен айтяпман.

Гремио

Синьор Баптиста, үзингизга әхтиёт бўлинг, бу шубҳали ишга аралашманг. Қасамёд қилишга ҳам тайёрмани, ҳақиқий синьор Винченцио мана шу киши.

Муаллим

Қасам ичиб кўр, юрагинг дов берса.

Гремио

Йўқ, қасам ичолмайман.

Транио

Сиз мени ҳали Люченциомас ҳам дерсиз.

Гремио

Йўғ-е, сизни биламан, Люченциосиз.

Баптиста

Олиб чиқинг бу фирибгарни, авахтага олиб боринг!

Винченцио

Ҳа, муҳожирларни ҳали шунақа кутиб оласизларми?! Нақадар қабиҳлик бу!

Бъонделло, Люченцио ва Бъянка киришади.

Бъонделло

Шўримиз қуриди! Ана, ана у. Қайтинг ундан, сиз ҳам рад қилинг. Бўлмасам, ҳаммамиз ҳам онамизни кўрамиз.

Люченцио

Кечиринг, ота.

Винченцио

Тирикмисан, болагинам, бормисан?

Бъонделло, Транио ва муаллим қочиб қолишади.

Бъянка

Кечиринг, отажон.

Баптиста

Сенинг айбинг не?

Қани Люченцио?

Люченцио

Мана, бундаман,
Ҳақиқий отанинг ҳақиқий ўғли!
Тугагунча сохта ота жанжали,
Қўнди бошимизга никоҳ чамбари!

Гремио

Бу — фитна. Бизларни алдаб кетмоқчи.

Винченцио

Қани Транио, аглаҳ масхарабоз,
Алдоқчи кўрнамак, беномус шайтон?

Баптиста

Шошманг, Қамбию-ку, ахир, бу жаноб.

Бьянка

Қамбию әйланди Люченциога.

Люченцио

Мұҳаббат мұғызыза яратди, дүстлар,
Мен үрин алмашдым Бьянкани деб —
Транио билан. Мен бўлиб юрди.
Мен бўлсам бу маҳал, кўпдан кутилган
Хузур соҳилига етиб келолдим.
Сўрайман, отажон, кечиринг уни,
Менинг хоҳишимни бажарди, холос.

Винченцио

Мени авахта қилмоқчи бўлган у найрангбознинг
тумшуғини ерга ишқалаб қўяман ҳали.

Баптиста

(Люченциога)

Менга қаранг, синьор, қандай қилиб сиз менинг
измимсиз менинг қизимга уйландингиз?

Винченцио

Ташвишланманг, Баптиста, ҳаммаси тўғри бўлади.
Лекин мен у абраҳмининг жазосини беришим керак аввал.

Кетади.

Баптиста

Мен ҳам бу товламачилик, фирибгарликларнинг тағига етишм керак.

Кетади.

Люченио

(*Бъянкага*)

Құрқма, отангнинг арази узоққа бормайды.

Гремио

Ниятга етмадим. Шундай бўлса ҳам, лоақал тўйида бўлайнин бир дам.

Кетади.

Петруччо билан Катарина олдинга чиқишади.

Катарина

Эргинам, орқаларидан борайлик, қандай тугар экан бунинг охири.

Петруччо

Аввал бир ўп мени, кейин борамиз.

Катарина

Нимади, кўчанинг ўртасида-я?

Петруччо

Нимайди, эрингдан уяласанми?

Катарина

Уятим сенданмас, ўпичдан холос.

Петруччо

Шундайми? Бўлмаса, қайтдик уйга, юр!

Катарина

Иўқ, шошмал Ўпаман, жонгинам, ҳозир.

Петруччо

Мана бу бошқа гап, ўргилай сендан,
Кеч бўлгани яхши ҳеч бўлмагандан.

Кетишади.

2-САҲНА

Падуя. Люченционнинг меҳмонхонаси. Баптиста,
Винченцио, Грэмио, муаллим, Люченцио,
Бьянка, Петруччо, Катарина, Гортензио
ва тул хотин, Транцио, Бъонделло ва
Груминолар киришади. Грумис хизматкорлар
билин ноз-неъматлар олиб киради.

Люченцио

Ниҳоят тугади ҳамма баҳслар,
Орзулар ушалди; худога шукур.

Уруш замом бўлди, ўтган дағдағалар
 Устидан кулишнинг соати етди,
 Тахлиф эт, Бъянка, менинг отамни,
 Кўрдинг-ку отангга эҳтиромимни.
 Хоним Катарина, азиз Петруччо,
 Гортензио, гўзал хоними билан,
 Марҳамат, дастурхон интизор сизга.
 Шириналик ва шароб келади ҳозир.
 Сўрайман, ўтиринг. Хуш бўлсин, дўстлар,
 Самимий суҳбату зиёфатимиз.

(Ўтиришади.)

Петруччо

Ҳамиша мана шу ўтиру, егин!

Баптиста

Падуя кутади ҳамиша шундай.

Петруччо

Марҳамат ва ҳиммат кўрдик бу ерда.

Гортензио

Бизга ҳам шунисин этсайди ато.

Петруччо

Кўнгли ғаш бевадан Гортензионинг.

Бева

Кўрқита олмайсиз мени бу билан.

Петруччо

Зийраксиз, лек гапни англамадингиз,
У сиздан қўрқади демоқчи эдим.

Бева

Ҳар ким қилар экан ўзидан қиёс.

Петруччо

Қизиқ гап.

Катарина

(Бева хотинга)

Нима деб тушуниш керак?

Бева

Мен тутдим!

Петруччо

Меними? Хўш, Гортензио?

Гортензио

Фикринг маъносини тутдим, демоқчи.

Петруччо

Тузатиш зўр бўлди.

(Бевага)

Бир ўпинг уни.

Катарина

«Ҳар ким қилар экан ўзидан қиёс».
Бу сўзни нима деб тушунмоқ керақ?

Б е в а

Қийиқ хотин уни қийнаб қўйибди,
Эримга ҳам рано кўрмоқчи буни,
Хўш, энди маънисин тушундиларми?

К а т а р и н а

Бемаъни бир маъни!

Б е в а

Сизни ўйловдим.

К а т а р и н а

Сиз билан бўлардим ярамас хотин.

П е т р у ч ч о

Ҳа, бопла уни, Кет!

Г о р т е н з и о

Бўш келма, бевам!

П е т р у ч ч о

Кет уни боплайди, гаров ўйнайман.

Г о р т е н з и о

Ўйнайман, мен таклиф қилмоқчи эдим.

П е т р у ч ч о

Қойилман! Қани ол, соғлиғинг учун!
(Гортензио билан қадаҳ уришиширади.)

Б а п т и с т а

(Гремиога)

Қалай сизга, синьор, аскиябозлар?

Гремио

Сузишлари, синьор, гоятда аъло.

Бьянка

Манглайингиз қичиб турибди чоги,
Зора бошингиздан шох чиқиб қолса.

Винченцио

О, мана, қизча ҳам уйғониб қолди.

Бьянка

Хавотир олмангиз, ухлайман яна.

Петруччо

Иўқ энди, тегибсиз бизга ошкор,
Сизга ҳам бир жуфт ўқ отишими бор.

Бьянка

Қушмани? Бўлмаса учиб кетаман!
Хўш, қани, мўлжалга олиб кўринг-чи?
Синьорлар, биз кетдик, хушвақт қолингиз.

Бьянка, Катарина ва Бева кетади.

Петруччо

Эҳ, учиб кетди-я. Бу қуш, Транио,
Сизни ҳам қолдирган эдими доғда?
Доғда қолганларнинг соғлиғи учун!

Транио

Мен овга тозидай кирудим, синьор,
Хўжамга келтирдим не тутган бўлсан.

Петруччо

Емонмас, қиёси итга бўлса ҳам.

Т р а н и о

Сиз енгмоқ бўлдингиз оҳуни, лекин,
У ҳатто ёнига йўлатмасимиш.

Б а п т и с т а

Петруччо! Нишонга тегди-ку бу ўқ!

Л ю ч е н ц и о

Бопладинг Транио, офарин сенга!

Г о р т е н з и о

Тан беринг, у ахир, боплади сизни.

П е т р у ч ч о

Бўйнимга оламан, сал ялаб ўтди,
Ва лекин бу кулги сачраб қайтдию
Сизни тешиб ўтди, гаров ўйнайман.

Б а п т и с т а

Сенга ачинаман ўғлим, қайсаликда
Ҳаммадан ўтади сенинг хотининг.

П е т р у ч ч о

Иўқ, буни ҳозироқ исбот қиласман!
Ҳаммангиз чақиринг хотинингизни,
Итоаткор бўлса кимнинг хотини,
Келади биринчи чақиришидаёқ,
Уники бўлади гаров ҳам шаксиз.

Г о р т е н з и о

Розиман, қанчадан?

Л ю ч е н ц и о

Иигирма крон.

Петруччо

Иигирма? Отмиди, итмиди хотин?
Хотинга йигирма баробар керак!

Люченцио

Бўлмаса, юз крон!

Гортензио

Розиман!

Петруччо

Бўлти!

Гортензио

Ким олдин бошлайди?

Люченцио

Мен. Бъонделло!
Бориб айт бекангга, тез етиб келсин.

Бъонделло

Хўп, синьор.

(Кетади.)

Баптиста

Мен бир тан Бьянка учун.

Люченцио

Йўқ, нега? Бир ўзим тикаман, ота.

Бъонделло қайтиб киради.

Бъонделло

Бекамиз банд эмиш, синъор,
Вақтлари йўқ эмиш келишга зинҳор.

Петруччо

Бандмилар? Келишга вақтлари йўқми?
Қойилман!

Гремио

Бу ҳолва. Ҳали ўзларини
Бундан баттаридан сақласин худо.

Петруччо

Сақлайди, Гремио!

Гортензио

Бор, Бъонделло,
Хонимга, эрингиз келишингизни
Илтимос қилди, де.

Бъонделло чиқади.

Петруччо

Илтимос?.. Унда
Шубҳасиз келади.

Гортензио

Лекин қўрқаман,
Сизники кўнмас-ов илтижога ҳам.

Бъонделло қайтиб келади.

Хўш, қани оғайнини, менинг хотиним?

Бъонделло

Қўйинг ҳазилини, бормайман, агар
Керак бўлсам ўзи келсин, дедилар.

Петруччо

Бу — ёмон! Қелмасмиш! Эшилдингизми?
 Қандай беодоблик, нақадар даҳшат!
 Грумио, бекангга бориб айт, хўжам
 Буюрдилар, дегин, тез етиб келсин.

Грумио чиқади.

Гортензио

Иўқ, дейди, вассалом.

Петруччо

Шундайми?

Гортензио

Ха-да!

Петруччо

Зарари бизники, фойдаси сизга.

Баптиста

Ё раббий! Қаранглар! У келяпти!

Катарина киради.

Катарина

Не керак, синьорим, чақирдингизми?

Петруччо

Қани Гортензионинг хотини, синглинг?

Катарина

Эзмалик қилишиб ўтиришибди.

Петруччо

Бу ёққа олиб кел. Келмаса агар,
Телиб сол уларни, аяб ўтирма!
Бор тезроқ олиб кел, мен айтяпман!

Катарина чиқади.

Люченцио

Мўъжиза бор бўлса агар — мана шу!

Гортензио

Мўъжиза-ку, аммо нимаси яхши?

Петруччо

Севгиси, ороми, шодлиги, синьор,
Қаттиққўл олдидা доно итоат!
Қисқаси, дўстларим, баҳт дегани шу!

Баптиста

Азизим Петруччо, баҳтинг ёр бўлсин,
Сен ютдинг. Уларнинг ютқизигига
Йигирма минг крон қўшаман мен ҳам.
Бошқача қизимнинг бошқача сепи!
Тамоман ўзгариб кетибди қизим.

Петруччо

Бу ютуқ, синьорлар, мутлақо ҳалол,
Нақадар мулојим, хушфеъл, хушвақт,
Итоаткорлигин яна кўрасиз,
Мана у, беодоб хотинларингизни
Ҳайдаб келаяпти олдига солиб.

Катарина Бъянка билан Бевани олиб киради.

Петруччо

Кет, сенга шапкачанг ярашмабди ҳеч,
Ол, жоним, бошингдан улоқтири уни!

Қатарина шапкасини олиб улоқтиради.

Бева

Худо кўрсатмасин бундай хўрликни,
Шунақа аҳмоқдай ўтмай ҳасратда!

Бьянка

Бу энди одобмас, тентаклик холос.

Люченио

Яхшийди шунақа тентак бўлсангиэ,
Сизнинг кўп доно хулқ-авторингиздан
Юз крон йўқотдик, билсангиэ, жоним.

Бьянка

Яна ҳам тентаклик қилибсан, агар
Баҳс ўйнаб ютқизган бўлсанг мен учун.

Петруччо

Бу тантиқ хонимлар англааб олишсин,
Эрига итоат қилишни ўргат.

Бева

Нимади? Насиҳат нимаси тағин?

Петруччо

Дадил бўл, ўшанинг ўзидан бошла!

Бева

Бўлмайди!

Петручо

Бўлади! Сиздан бошлайди.

Катарина

Уятсиз! Қошингни чимирма ортиқ.
 Ва қўпол, ғазабли қарашиңг билан
 Қишилар дилини қилмагин сиёҳ.
 Ғазаб ҳазон қиласар ҳуснингни, совуқ
 Ҳазон қилганидай кўм-кўк чаманини,
 Олиб кетганидай куртакни шамол,
 Номинг ҳам ўчади. Ҳеч ерда, ҳеч вақт,
 Ҳеч кимга керакмас қовоғинг сенинг.
 Дейдилар, аччиғи хотин кишининг
 Лойқаган, синиққан, чиройи ўчган
 Бўтана чашманинг сувига тенгмиш.
 Бир хўплам ичмайди ҳеч кимса ундан,
 Ҳар қандай чўллаган бўлса ҳам шаксиз.
 Эр — сенинг соҳибинг, тириклигинг ва
 Энг катта давлатинг. Сен уйда экан,
 Иссиқ ва роҳатда яшаб бемалол,
 Билмайсан хатару ҳалокат нима.
 Бу вақт сени деб эринг тинчимас,
 Сувдами, қуруқда кечаю кундуз
 Олишар довулу қаҳратон билан.
 Ва ёлғиз муҳаббат истаги сендан,
 Бир лутфу карому, ёлғиз итоат,
 Арзимас мукофот минг азобига!
 Миннатдор бўлгандай шоҳга фуқаро,
 Хотин ҳам ўзининг эрига шундай.
 Агар у заҳардир, ўжардир ёмон,
 Итоат қилмаса эрига ҳалол,
 Үз ҳукмдорига хиёнат қилган
 Исёнкор малъундан нима фарқи бор?
 Уяғга қўйдингиз мени, хотинлар!
 Тиз чўкиб, сулҳ сўраш ўрнига, бунда

Жанг қилиб юрибсиз. Итоат билан
 Мулозамат қилмоқ жойида эса,
 Уялмай ҳокимлик қиласиз талаб.
 Заифлигимиз, нозиклигимиз,
 Нотавонлигимиз машаққатларга,
 Тану фикр билан ва идрок билан
 Итоаткорликнинг гувоҳимасми?
 Эҳ, аянч, бесабр, ожиз бандалар!
 Мен ҳам сизга ўхшаб такаббур эдим,
 Ўлгудай гердайган, димоғдор, қайсар,
 Дардга дард оларди, ўлга ўл, мендан.
 Энди мен англадим, отганларимиз
 Ўқ эмас, пахтавон ўқ экан холос,
 Заифликда экан кучимиз фақат.
 Ўзгалар ролини қўййлик энди.
 Бас энди, не фойда кибру ҳаводан?
 Бош эгинг эрларинг оёқларига.
 Эрим нима деса тайёрман шу зум,
 Адо этмоқ учун хотинлик бурчим.

Петруччо

Бопладинг, ўп энди, мана бу — хотин!

Люченцио

Қойилман, оғайни, баҳтли экансан.

Винченцио

Улар қобиллиги — баҳтимиз бизнинг.

Люченцио

Хотиннинг қайсари эса — жаҳаннам.

Петруччо

Кет, жоним, ётишга бўлмадими вақт?
 Хайр энди, икковинг чув тушдиларинг.

Хеч ким ишонмаган бўлса ҳам менга,
Мен ютдим. Азизлар, хўп, хайрли кеч!

Петруччо ва Катарина чиқиб кетадилар

Гортензио

Қийиқ қиз қуюлди, муборак бўлсин!

Люченцио

Қандай қуюлди у, тушунолмадим.

Кетади.

Парда